



烟嶼樓詩集卷四

鄞 徐時棟 柳泉稿

慈谿葉鴻年 吾甫刊



五古一

舊評徐遠香曰烟嶼集五七言古詩或慷慨激烈或從容淡雅或委曲微至或直截了當總是抒寫性情不肯傍人門戶故分而求之此首似某朝此句似某人合而言之覺無一家不可指似亦無一家無所不擬渾灑流轉自成爲烟嶼之詩古人謂大家無所不有庶幾近之但謂其辭無不達者恐尚非確論也

朱鏡湖夜溺銅盆浦後余往哭其家歸櫂愴然

詩以抒哀 書後附

同學十七人君性曠以達有言無隱情與我真髮鬢聚

烟嶼樓詩集四

一

首才半年暫別嗟契闊誰知見君歸數日不君活矧遭強死哀驚聞心似割哭君不成詩姑以解怵怛

一

書舍月湖曲吾家湖之濱伯兄得珍珠杯羹時見分我姑置諸橐夜靜以招君同學兩三輩圍坐皆酒人 時余尊池

周茹香及鏡湖並善飲醉中言爾志談笑何紛紛爭名各有願而

君如不聞曰我視斯世富貴真浮雲脫然但無累奚必榮其身坐中並年少頗怪君不倫語言如出世倘已厭

風塵

三

老父年六十用酒擬稱慶吾師爲文章敘翁平生行更  
乞同舍生詩歌其投贈君言居時日我以舟來迎佐我  
洗腆懽遂君看山興

四

屏障旣云具付匠以裝潢與之約期去歸家修門牆八  
月秋及半入城來取將大旱溪水涸趁彼江邊航何不  
買一棹安穩抵城廂野航受人多局卧如蠶僵順潮達  
江浦江水浩茫茫由蘭江至銅盆浦江面最闊夢中歛驚叫舟沈皆  
受殃何辜此舟人聚殲同一方我欲竟此曲短歌不能  
長

五

烟嶼樓詩集四

二

是夜無風雨覆舟殊可疑久始悉其故舟人貪且癡漏  
艇載陶甕其上人卧之陶甕吸江水無聲人不知同舟  
乍驚醒水已侵膚肌人譁船更重心驚力轉微漸漸沒  
江底一一食江泥舟人得免脫游漏立江麋人禍非天  
變同難咸怨咨雖復食參肉不得救鴟夷

烏曰描寫瑣屑作者擅場

六

舟人涌而逸而君亦善游家住洞橋側門前水悠悠自  
言昔年少放學來溪頭童子六七人脫衣同學泅水中

吾習慣出沒如輕鷗。父老笑拍手言我無與儔。及壯不能改。襖事時一修。每當四五月。水暖山花幽。諸君皆畏水。此樂真夷猶。我謂君勿爾。性命非浮漚。騎墜善泅溺。此語君知不。君聞瞿然起。曰我頗憂愁。命宮考星度。水厄在今秋。君精於星命故嘗自言如此逝將罷水戲。裹足謝溪流。

七

豈意習水人。一昔蹈水死。人謀不勝天。嗟君遂至此。聞彼舟人言。君沒忽復起。溯洄水中央。亦既及江涘。月明天高高。鬼風吹黑水。一浪飛空來。捲君入江裏。父老言時見有黑浪無可救者黑浪謂之鬼浪鬼與君何仇。君死乃歡喜。溺鬼必

烟嶼樓詩集四

三

求代里語固麤鄙。人言苟或然。胡舍彼舟子。水國豈需人徵召。及才士白龍幻人形。亦豈諳文史。銅盆浦水曰洞江有白龍居之能變幻人形欲問蒼蒼者。天仰天悲不已命也。如之何。前言猶在耳。

八

有兒前年生啞啞。初學語日瞞君將。行抱兒尙摩撫。詰旦兒驚啼聲聲呼。阿父俄頃舟人來。踉蹌顏慘沮。略述夜來事。舉家色如土。父母搶地哭。兄弟淚成雨。轉憶昨夜。夜漏當三鼓。畜狗狂叫。嗥上樓。觸房戶起視。了無他吠聲。更悲苦。始知是君魂歸來。朝宗祖兒呼。亦有因

見君在堂宇安用遣巫陽招魂到江浦昔在館中時夜  
飲互爲主今我來冀君君當飲此清兒笑犬安眠君魂  
復何處

九

阿翁歎息言兒孝吾不德爲我而慘亡吾悲更何極老  
淚旋浪浪慰之語先塞復恐增翁悲忍泣同默默忽聞  
孀帷中哀號驚魂魄淚下不自知欲畱畱不得出門見  
殯宮淒涼洞橋側狂呼君不聞幽明分咫尺豪氣猶眼  
前一別成永隔惘惘放船行何心看山色

道光十二年吾師王綱齋先生諱日章自它山來城

烟岷樓詩集四

四

中賃楊氏屋設帳地在太陽宮之北號近陽書舍是

歲余年十九同學自山鄉至者爲趙槐江啟琨 小

吳挹芳土香 吳山頭周本教本教 天打巖朱鏡湖祖謨 洞橋頭鮑漢

玉與鉗 鮑家礪方寶卿儒 懷軼羣 儒杰 皆朱蕉生祿中 藕纜橋

周仲雲宏縉 新莊周陳勺山德 柑 東生 德梧 皆南自城中

郭外至者爲楊雨帆浴德 江北岸余葦汜濤 板橋三周茹香

蔡奴封 杞 新河塘 皆徐東侯觀 池頭 大濟濟彬彬十舍皆滿

每當晨餐既畢先生南面坐講堂諸君執經分席序

長幼環坐先生命一人講經隨指示其失得既而交

起問難暢所欲言則爲之引伸剖晰罄其旨趣罷講

始就舍肄業月凡六日爲時文詩賦非此不輟講見者謂數十年來吾鄉之以生徒眾多稱大師者非一其不替前輩典型僅此一席而已是年七月先生渡江應省試旋有鏡湖之變及先生歸來雖復聚會開講之日亦希後四年先生遽返道山而同學諸君則自壬辰至今日屈指不三十年十七人中死亡者過半矣咸豐十年七月刪改舊稿至哭鏡湖諸詩感衰之感回首泫然因記諸君姓名里居以及當日經席規矩附諸詩尾俾同學之子孫得詳源流於孔李云它山後隴之屬村落名也師弟皆鄞人是月十有七

烟嶼樓詩集四

五

日近陽弟子徐時棟記

陳曰數詩直抒胸臆當得一眞字

病中憶鏡湖

生別長相思死別足可惜何況慘然死一別無蹤跡去年風雨惡江頭故人溺今年八月秋風雨又交逼殮殍卧病身輾轉忽君憶擁被哀思多人語黃昏寂冷風顫我身膚粟綻毛隙驚起挑殘燈殘燈焰幽碧知是君魂來髮鬢似相識病眼或昏花分明見顏色胡不入我夢但聞聲啾啾豈自江頭來飢向我求食昔我過江頭江水聲汨汨不知浩淼中何地爲君宅欲以隻雞奠再拜

薦君魄躡踏不敢下懼爲蛟龍得死生亦尋常何庸長  
戚戚意氣況平生軒豁露胸臆鬼道不易知強毅定如  
昔肯學兒女悲令我悲無極嗟嗟魂聽之我試爲君書  
以君縹緲姿焉知非下謫塵世不能容且當作河伯馮  
夷亦人耳勿嫌洞江窄

烏曰情

眞語苦

童曰強爲解遣

哀苦之極也

話舊篇 有序

道光十四年十二月四日瞻山曹先生過舍於是不  
奉起居者十有三年矣始先生來設帳余甫七歲是

烟嶼樓詩集四

六

時稱弟子者十餘曹今先生重來屋宇更新不復記  
道路舊交略盡而吾黨二三子惟余與仲兄四弟在  
耳十餘年中人事遷變如此可哀也賦話舊篇三百  
二十言於先生之歸也書以送之

先生昔館我太歲在庚辰我時方七歲童性頑不馴壯  
而念疇昔記憶多未眞焉知今日日長者來我門入門  
不相識坐久始相親髣髴舊容貌霜鬢皤然新命酒具  
雞黍倉卒無盤飧酒中問舊故往事重縷陳先生忽長  
歎曰我來湖濱乃翁本無素我來因陳君 舅氏笠山先  
生先生故人  
也上堂見規畫知翁孝且仁破巢收完卵同氣無區分

其時問字者兒曹何彬彬執經環家塾猶子及兄孫待  
我既忠敬愛我如舊姻兩載別翁去邈若胡與秦今我  
重過此道路迷問津散居多異地非復舊鄉鄰義聲翁  
藉藉辭世經五春交好半爲鬼弟子存三人昔時此三  
人髫歲未論婚長大皆有婦兒女忽紛紛聞汝試郡縣  
歷戰能冠軍少壯知吾衰老淚非無因我聞長者言嗚  
咽聲已吞既哀我諸父又痛我諸昆死喪日益多亦若  
不酸辛歷歷問生死語語驚我魂長跪重進酒衛道願  
自珍杖履康健且得常過存他日訪丈室扁舟來江  
村破涕爲歡笑往事姑勿云

烟嶼樓詩集四

七

郭曰眞樸似浣

花贈衛八處士

劉曰入口氣飄忽有神 又曰一氣  
流注曲折盡情篇法之妙不可思議

甲午小除哭伯兄醒墨先生

生與爲兄弟後兄十五年自少多弟妹我爲兄嫂憐五  
歲入家塾教我誦詩篇及長能文章愛我謂我賢骨肉  
而朋友枝葉緣相連舍我去何之中夜摧心肝

二

今春別兄行入山負書囊室家幸安好情懷本沖漠不  
知何所感忽忽意不樂我心日常驚我夢夜常惡錫山  
掃先塋見兄貌如昨兄弟同歸來扁舟入城郭豈意數



日間母也忽疾作倉黃求醫巫方藥互商度視候每更代憐我力單薄月餘尙沈縣夜坐淚交落

三

沈縣漸以愈下藥如有神而我復疾病輾轉良苦辛阿兄上樓來慰問意殷勤戒勿投雜藥欲去重逡巡一夜忽大醉叫號驚四鄰大呼弟也死以我代其身是時已人定此語吾親聞病中感兄意暗淚流牀茵斯言縱由醉要知情至親死生亦大矣誰能代他人

四

戾氣不易消鬼物敢相侮我方困三尸兄復遭二豎問

病向家人彼此語齟齬數日無好音心知未能愈忽聞號哭聲喧聒在東序欲問室無人起視日方午病母呼大兒搥榻聲淒楚始知阿兄亡神魂驟無主我口不能哭我足不能舉我亦不能哀我亦不能語此時悲愴懷向人不能吐

五

可憐永訣時我不聞其言可憐就木時我不憑其棺大殮既三日我始能粥饘扶持下樓梯蹣跚走堂前靜寂無語笑慘慘靈几筵披帷見吾嫂衰絰呼蒼天相對更無語泣涕重漣漣

往歲日南至先夜夢不祥此夢不可說大哭裂中腸天地慘無色相送到北邙號咷野田上母忽在我旁見母頓歡喜頃者何荒唐母言吾更生與兒還家鄉而有一人者已入棺中央問母何人斯母亦不能詳詰且向母拜嬉笑賀踐長聞訓觸兒痛私語淚沾裳早起拜母母年相見此語為從來賀時節所未聞頓觸夜夢中心如割時徐君遠香方館吾家私舉相告不覺涕出嗚呼又孰知噩夢奇識之應在伯氏春來母不豫憶夢時驚惶耶生平夢驗未有異於此者垂始有起色舉家為歡慶豈意四月夏候忽遭兄喪夢中一人者乃竟以兄當夢境何真切夢語何渺茫命也

烟嶼樓詩集四

九

倘前定莫解心悲傷

長女受人聘兩兒初論婚季女以是日納采約西鄰字秦菁沁孝廉之子際涵兄問使來未問之語諄諄伴來俄成禮日午行出門牀頭走相告點首猶頻頻曾不炊黍頃脫然謝風塵孤兒與孤女哀號不忍聞尚平異時累輕重誰并分料知九泉下念此當酸辛安用畢昏嫁昌黎空復云

吁嗟蒿里哀人命不可保四月喪我兄九月喪我嫂從兄當仲春夫婦忽偕老從一兄時修以今年二月間三夫婦偕逝相隔才一日耳

時遭四喪遭家胡不造此豈成例沿渺茫亦難曉乃作  
無聊思凶吉歸先兆地道不易知人事太顛倒忠厚宜  
永年誰爲問穹昊

九

悲哉春夏秋轉瞬忽已冬卜吉挽二棺殯之鳳隩中鳳  
隩父墓在墓土兄所封五年不見父地下知相逢不知  
作何語哭泣有餘恫可憐一坏土爲兄築幽宮兄弟送  
殯去我病不能從登樓望西山但見斜陽紅佇立起膚  
粟颯颯來西風

十

烟嶼樓詩集四

十

日夜侍慈幃長言心傷悲杳杳黃昏後寂寂人定時挑  
燈命兒坐含淚欲有辭辭哀不可說未語先嗟咨恐傷  
老人意談笑以解之

十一

低頭入空房空房何所有牀堆死後衣囊貯生前酒兒  
年十五六躑躅隨我走長女未十歲縞衣立我後少女  
牽我袂向我問父母出門有歸期此行獨何久我姑妄  
言之暫以塞其口行行出房去不敢復回首

童曰讀至此二首  
令我潸潸淚下

十二

仲兄念手澤招我開遺籟。一一親檢取見兄詩歌行賦

詩雖不多其言明且清濱湖有小稿繕寫可殺青兄詩曰濱

湖軒前一杯酒身後千秋名阿兄兩相較常願爲劉

伶我欲傳兄詩恐非兄性情而既不復飲忍復名弗稱

滴酒不入地盛名亦虛聲縱使傳不朽何補兄生平

烏曰善用轉筆愈轉愈深

十三

前夜夢阿兄瑩瑩立庭除與我隔窗牖有言如告予忽  
聞人語聲似來東南隅阿兄意慘沮棄我去而趨俄見  
一人來遺我尺素書開書識兄手字赤如珊瑚顛倒不

烟嶼樓詩集四

十一

可讀把之三歎吁晨雞醒我夢我醒自躊躇此來豈無  
意何不畱斯須此書豈無謂何爲中模糊反覆未能解  
攬衣重欷歔

十四

相別九經月迨茲歲將卒寒雪飛上衣北風刺人骨思  
念不能忘悲來無斷絕悠悠道路人吾哀與誰說聊爲  
長短吟抒我心蘊結

陳曰十四詩承接一片如寫家書語語從肺腑中流出讀此與哭朱鏡湖諸作知作者於兄弟朋友之間

深乎

烏曰語語由衷字字是血非至情人不能作

童曰：歷歷寫來一字一淚，此歌以當哭者，不得復以格律繩之。又曰：口所欲言，筆即隨之，情真斯語摯也。又曰：讀樂府一父，法兩名篇，歎倫理之亡，讀此及哭。朱君詩見性情之篤，天下未有不講究倫理而能篤於情者也。

陸曰：五古自開章至此，凡二十五篇，無一字一句不從至性中流出，讀之但覺悲風夜鳴，淚隨聲下。詩之感發人性情者，此類是矣。

題風木圖爲徐遠香元第作

吁嗟樹欲靜，奈何風披猖。吁嗟子欲養，奈何親云亡。昔我與君交，見君常悵悵。三十居父憂，卅七遭母喪。自言鮮民痛，日久哀鉅創。弔君聊慰君，親死君壯強。努力貽令名，無爲氣不揚。而君意無極，撫景時傍徨。春風長拂拂，慈流長湯湯。繞廬長慟哭，引領長遠望。望親親不來，日日下斜陽。於是圖風木，令我歌短章。短章爲君歌，圖畫爲君張。樹亦有時靜，風亦時不狂。焉能揮白日，重上萊子堂。周生獨何意，寫此增感傷。嗟嗟生人境，知足爲良方。惟有事親心，私願每鞅鞅。叶百歲，彈指頃，未見春暉長。何況更不足，念之摧肝腸。昔未圖風木，憂思中心藏。今已圖風木，憂思何日忘。隻身用形影，涼氣襲衣裳。白雲在何處，當風長茫茫。

獨坐

獨坐空庭中，蝙蝠飛黃昏。微涼生袂衣，明月來照人。舉

頭看明月月下人叩門門外聞語笑非他吾比鄰話久  
月移影爲君開酒樽且飲且語我往事吾願聞

二

送客立湖上客亦爲少畱遠聞鳴榔聲過橋來漁舟撒  
網羅明月粉碎頗黎毬一片水與月漁歌發中流客去  
閉門入歌聲上湖樓

烏曰閒情微旨俯拾  
卽是詩中化境也

劉曰二詩託興微妙  
風格似在王章之間

### 夢朱鏡湖

是耶抑非耶我見君魂來君魂來不已顏色如塵埃五  
年不得見豪氣安在哉明月照牀席涕泗盈兩頤幸有  
絃歌曲可以寫我懷君魂去已遠我歌自徘徊風來吹  
歌聲相送到夜臺不惜我歌苦恐增君悲哀

二

杜甫夢李白三夜夢見之魂魄信來到白也當有詩是  
知憶成夢甫夢白不知若我夢君至三夢殊益奇君死  
良痛苦我心良慘悽自我有新作痛哭極淋漓抒哀釋  
鬱結我旣不君思無思亦無憶此夢來胡爲一夢謂偶  
爾再夢吾驚疑三夢更真切嗚呼非君誰宿草久不哭  
過時忽復悲白魂不渡水杜詩空迷離君魂頻到此而

我無好辭情親見君意舊句聊相貽

三

海水接洞江江深祿千尺高乘紅鯉魚其中有河伯奴  
僕萬溺人波臣掌其冊焉能縱君魂夜夜爲遊客洞江  
與月湖迢遞一城隔茶壘巡視之嚴威不可測君來大  
非易何遽在吾側江湖蛟龍饒道路風雲黑相思理或  
然相見勢難得三夜明見君倘非君魂魄

四

浮雲五十里無因覩風姿結交在前歲與君同得師攜  
手常巧笑皆言才不羈情好日益密嫌隙無幾微鬼伯

促君急與我長別離思君不得見日夜心傷悲地下而  
無知地下而有知聞我悲不已亦豈不我思生來厭拘  
束死亦當自奇強魂不畏鬼孰敢爲羈縻水國足容與  
驂螭任遨嬉魂游入我室魂至牽我帷髣髴見顏色君  
魂信不疑

五

日斜君出門夜半扁舟覆家人昏不知君魂早登屋少  
子親見君呼父大號哭及我驚得聞而君已就木念君  
平生時與我爲心腹此情無閒然胡不夢先告相思不  
得來魂歸抑何速今我始夢君怏怏意不足流光方排

徊撫劍起躑躅怨君益悲君哀此孤魂獨

六

三五同門友我獨夢見君故人心尚爾料知情最親往  
返亦勞止三宿毋乃頻既來杳無語頻來知何因縱復  
昔昔夢我亦難慰君於君了無補而我徒酸辛歌詩滿  
千曲黃泉不能聞少陵雖恂悅猶得重細論念此更惆  
悵吾哀誰與陳出房看明月長夜其嚮晨

劉曰旣信其是復疑其非方訝其非旋決其是於是  
以來夢之晚而怨之又以入夢之獨而感之以屢夢  
之勞而悲之復以徒夢之無益而止之反覆曲折似  
與少陵夢李同此境象而哀苦遠過同此情詞而機  
杼迥別先生哭朱君詩首章云有言無隱情與我真  
彷彿蓋朱君爲先生少年執友而猝遭強死此其所

烟嶼樓詩集四

五

以展轉而不能自己也聞宋君卒時先生尚有填詞  
十餘闕痛哭淋漓極爲王綱齋先生所歎賞惜其稿  
去久失

大墩道中

薄暮出郭門將之吾故鄉水風吹我衣瑟瑟生晚涼草  
田萬頃花深紅明斜陽野色可怡悅何用譜羣芳垂髻  
村女兒三兩柴門旁閑閑相語笑笑我何匆忙



烟嶼樓詩集卷五

鄞 徐時棟同叔稿

慈谿葉鴻年吉甫刊

五古二

鴻年案此卷原有舟中與周茹香談經等詩六首並  
係丁酉游杭之作又他卷中有七古四首五律六首  
五排一首七律一首七言三韻一首五絕三首六言  
絕三首七絕五十二首皆已刻游杭合集不必牀  
牀屋屋也  
故去之

古團扇歌呈北流李觀察曉園先生 紹昉

團扇何勻圓朝朝在君側止有數行字春風銘君德

二

烟嶼樓詩集五

一

皎潔不可私顏色常在茲我心如團扇我心君所知

三

流螢綴高樹空庭獨徘徊承恩不可恃吁嗟秋風來

四

淒惻生長歎清白古所歡棄置復何道畱之生君寒

五

我心不可卷我心不可轉明月十五六重與君相見

舊評曉園先生曰不失溫柔敦厚之  
旨故佳 又曰第四章似厚反薄

庚子二月十一夜夢至阿育王寺看晉松後兩

日鍾雲扉 世俊 見過言新自松閒歸示我遊草

天下長松多奇絕育王寺僧來不言松但言佛舍利春  
風知我心吹夢到斯地石欄點蒼苔題句當遊記明朝  
聞叩門白髮老翁至云自松閒歸新詩出相示摹寫虬  
枝柯天矯有生氣神龍二千年人間尚游戲我久耳松  
名夢松何足異夢後翁適來此夢如有意當我夢松時  
翁定在松際夢中不相見翁詩證妙諦買棹盍往觀松  
下同把臂一笑問因緣爲我放光未

贈余尊泚

濤

聯袂踏省門歸來仍白衣一片功名心如浮雲飛強  
顏相慰藉安用長歎歎有客蹶然笑斯言毋乃非人生  
行樂耳得失本無端何以愛微名爲博堂上歡秋風不  
得意堂上聞長歎長歎不聞語念此心骨酸滿座聽客  
言盛氣一時懾握手交問年而君已三十春暉幸舒長  
努力思報答贈君紀年詩少壯纔一睫

答何韻仙

琳

有序

庚子六月朔韻仙過烟嶼樓是夜有別客在坐縱談  
斗室客抵寢而東方白矣無何定海告警不相聞問  
者久之十月晦日韻仙忽以詩來追敘疇昔感復不  
淺十一月二十七夜挑燈獨坐環憶及之去得詩時  
又將月而久而不報殊非雅意漫成二十二韻卻寄

季夏月初吉有客臨茅茨主人出相見瀟灑無文辭  
羹脫粟飯濁酒盈瓦卮縱曰非高會嘉賓娛良時豪談  
雜諧笑坐久人不疲明朝客南去分手湖之麋弟兄友  
朋樂常耳安足奇飛艇震鼙鼓蕩搖我邊陲旁午馳羽  
檄聞道孤城危倉黃見兵革我生尙無爲

皇威遠必屆海國鎮雄師鷹鷂逐鳥雀鷓鴣巢故枝驚  
魂乍安定而忽見君詩疇昔歡會夜一一覩縷之人生  
不知足蝸角狂奔馳把臂風雅林我俗誰能醫擊壤忘  
帝力生不遭亂離驅車怨行路道不逢軀崎願爲太平  
民與君長遨嬉翦燭聚朋輩酒杯歡其持主飲客亦醉  
新詩爲悅怡此壽可百年我言良弗欺

庚子除夜朱青石

文杏

見過適余祭長恩烟嶼

樓中卽事聯句同四弟子舟

長恩主載籍文字本有靈

文杏

我亦擁萬卷與之交忘形

棟時

知爾有同嗜詩書固所馨

棟時

何物求神仙食之乃不

停

文杏或黑如蠅背或白如魚丁

棟時

或鑽文之赤或窠簡

之青

棟時

饋於其中粉碎虛冥

文杏

字字必咀嚼敗壞

先聖經

棟時

甚於厄秦火殺之有餘腥

文杏

貌焉茲醜類意

亦欲延齡胡乃不自量

夢夢竟不醒

棟時

護持賴眞宰震

驚如雷霆

文杏

爲文招之來歛然降我庭數其蔑經罪明

正以典刑主人長揖謝細帙清緘局時永永子孫保元

然畱書亭文杏

題翁荔薈桃源問津圖

桃源在何許在我心中春苟能會其意何必問迷津怡然而自樂物我見天真羲皇尚不遠無論周與秦畫師圖勝概我知君解人豈昧寓言旨而效劉郎顰

劉曰意興高曠絕似泉明 又曰讀游杭集中靈隱詩云但得心閒何處非蓬島及此詩起二語見吾師胸中有自然之樂 又曰昔人謂太祝得陶之澹右丞得陶之清襄陽得陶之閒左司得陶之遠竊謂吾師五古得陶之真

雨夜書懷寄遠香

烟嶼樓詩集五

四

上山多蘭蕙下山多蘼蕪采采不盈掬棄之長歎吁伊人我所思同心而離居不惜慷慨歌將子聽斯須

二

昔我初見子乃在湖之麋傾蓋宛生平恩愛兩不疑羽翼各健舉矯矯雙龍飛意氣頗深闊凌爍凡童兒

三

予弟亦俊才向子問奇字好樂和琴瑟相待如同氣況我連枝樹嘉子有深意結交願勿渝垂老無棄置

四

麗容女所嫉浮名人所傾余豈改前度世稱三狂生野

花滿空谷未羨凡夫名流水奏古曲未慕人間聲賦詩  
各有意焉能知我情奈何相詰責而欲強我行

五

我行不可強我志一何堅匪我心如石皎潔良自憐絕  
羣我誰與我亦心拳拳涉江訪蹇修中道忽棄捐入門  
各自媚誰能爲我言

六

吾師李太白謂曉園先生雅知我情素曉曉斯人言聞之頗  
不豫憐我平生愚前席而借箸杜甫花鴨詩款款爲我  
語黑白太分明入世眾所怒婉辭勸我行一見當如故

相輿樓詩集五

五

吁嗟騏驥心豈不欲就路伯樂忽云死蹭蹬不肯去

七

龍樹滿鉢水投之以一鍼欣然交契會愛我情轉深知  
我有傲骨與子重酌斟謂我旣杓鑿子兮勿商參桓伊  
吹長笛聽者豈知音去去難更卻聊用答良箴聞者忽  
相謂謂子殊古今輕身出相見與世共浮沈哀哉夫夫  
言惟我知子心

八

風波未肯息反復起更端摘我瑕與疵乃復在詩篇車  
馬不行役焉知道路艱交遊不閱歷焉知人心寒夜臥

不成寐中心多煩冤嗟哉三狂生豈不畏人言

九

驅馬出城西言從塘上遊塘上有浮萍無思亦無憂風來發塘上隨風東西流

十

自我與子交八載心如一子弟從子遊情明意亦密人言日益多光怪不可說子旣意惆悵我亦心蕊結鴛鴦爲參商化作生離別

十一

蟋蟀鳴道周芳草萎陂澤攜手上河梁見子別時色

烟嶼樓詩集五

六

十二

臨別贈子言子才非庸傳意興忽然至談笑亦風流干戈固不遠一言生仇讐吾師昔誨我弭謗在自修自修苟有素人言夫何憂我則斯未能遂爲世所訛持此轉相告痼疾會當瘳小心事友生無貽吾師羞

十三

今我住湖曲子復居山陲兩載各異地常常思光輝見日每苦少中心愴以摧我欲招舟子載子同來歸來日定相見去日不可追

十四

我家小阮賢別我來子廬念子不能歇詒之尺素書何時溪水頭惠我雙鯉魚白雲望不遠相思定何如

舊評李芥生世橫曰烟嶼詩往往以才氣勝獨此四章纏綿悱惻溫厚和平讀之令人動伐木求友之思可以怨矣又曰讀者且勿問其本事如何但當以意逆志便覺情生於文

劉曰書懷十四章感世感身語意沈鬱得漢魏之神髓董曰十四詩一氣流轉若合若離胎息似從白馬王篇得徠而能不襲其貌者

郭曰諸作牢戾其思玲瓏其聲當與阮公詠懷陳公感遇並讀童曰怨而不怒妙處尤在神韻

### 辛丑閏重三夜烟嶼樓聯句

宿雨忽新霽東風吹夢蘇何琳綠波漲春水十洲雙好湖

烟嶼樓詩集五

七

陳勸烟景媚人意我友其印須烏世室邇人不遠一水歡

相呼王世濬袷衣稱我體步出城南隅時棟行行重行行道

傍多靡蕪時標酒旗遠招飲買春宜玉壺琳問價斗十千

落拓高陽徒勸嘉肴列魚膾野藪羅笋蔬世滿座發豪

興拇戰當呼盧世濬人生不行樂萬古亦須臾時棟但醉勿

復道古人今在無時標暝色催游客解龜付當爐琳乘興

來烟嶼談笑聚一廬勸主人出所藏讀畫觀奇書世良

辰既不易況有同心俱世濬夜闌重把酌家釀非村沽時棟

號令忽新出鬪韻聊與娛時標得句為快意苦吟笑撚鬚

琳不得亦偶爾浮白胡為乎勸賦詩復飲酒酒潤詩腸

枯世耀東方不知白開窗來奚奴世澹詩酒永今夕六逸眞  
可圖時棟明當召畫師畫成看何如時樑

寄四弟子舟京都

湖干送別後時時夢惠連獨慚謝康樂無有池塘篇或  
爲酒所苦春來常酣眠秋風瞬息至擬結文字緣亦復  
空所有吾豈參上禪近狀只如此啞爾聊復言

二

禮闈聞報罷抑鬱誰能禁得失本前定何用悲升沈唐  
人綦季通賦詩著來今三十名未立謂當惜寸陰我則  
自廢棄望卿情轉深努力慎自愛姑勿起歸心

烟嶼樓詩集五

八

三

客從都中來寄我中都中書書言加餐飯堂上大歡娛客  
言第安樂無異家中居聽客述弟事意氣猶未除科頭  
嬾見客處世無乃疏容悅固足鄙傲岸亦可虞吾言倘  
不信同好多在都試復問同好處世當何如

舊評陳脮仙曰明白如話而筆筆

轉折情至文生此境不易到也

陳曰知弟莫若兄一片婆

心兼法語異言而出之

劉曰杜老憶弟寄弟諸詩無不悱惻動人  
以其從性情流出也吾師集中諸作亦然

哭董小峯廣文城

酒食皆知己急難無良朋交遊感君德自反吾未能斯



人未可死。雖死目不瞑。淋漓爲君哭。豈唯哀友生。

陳曰：朋友道衰千古同慨。自反未能傾倒語說。得如許親切。他人所不肯言者。而作者言之。

二

鬼伯招君速。君去定何之。嘯強如生日。未必受輪迴。茫茫九原路。遊倦應來歸。魂歸見我詩。我詩意傷悲。彭殤不足道。人言來何爲。

三

多情始多事。誤子知何因。借箸爲君畫。我言君所聞。蹉跎足可惜。彼笑秦無人。日暮倒行急。浮感徒紛紛。頑鐵鑄大錯。我亦良負君。

烟嶼樓詩集五

九

陳曰：多情始多事。閱

歷之言。包括幾許。

童曰：眞見得透切。

此語吾將書諸紳。

四

弱歲爲孤兒。有弟蚤不祿。地下如相逢。應作鬼聲哭。海邦兵塵多。夜夜聞戍角。飄然脫浩劫。焉知非君福。先墓構山莊。乞我文幽谷。聊慰逝者心。吾言會當復。豪氣猶眼前。奄忽墓草宿。誰能忘此情。不寐憂思獨。

烏曰：激昂悲惋兼而有之。多情始多事。五字可傳。

寒冬

寒冬草木枯。童山無佳色。遙看溪徑多。亂似蝸行迹。重

裘禦朔風秋來常作客雲樹蒼茫中定有高人宅

劉曰寒山濯濯樵路分  
明遙看二句寫景逼肖

### 武康道中

桑林渺無際黃葉西風飄其下皆菜畦帶露新可挑  
少女攜輕筐不畏秋陽驕自我過大邑塵俗紛且囂  
念此信足樂頓覺煩襟消

自杭州至武康縣謁房師吳春岡先生

榮楷歸

### 途有作寄呈

武林百餘里一水通輕艇支港流不續纜舟樹槎枒竹  
籬蔽茅屋散淡農人家謂當入山僻而已鄰官衙更無  
城與郭有市聲不諱小兒避生客道旁語咿啞民俗懷  
太古惇樸奚以加

童曰極  
似陶詩

### 二

山縣本凋敝年來遭薦饑今秋水大至晚禾登者稀催  
科憂政拙民力況不支報災思緩頰嚴譴安所辭咄嗟  
語未畢見彼鄉里兒上前送官牒語低躬亦卑催租急  
星火命我諄有詞下吏苦貧賤此行囊無資聞公素慨  
慷其他焉敢知

### 三

束脩調門牆愛我止之宿歷歷承教言夜深秉官燭燥  
髮讀羣書年少良卓犖有懷經世才志不圖干祿一第  
作縣官謂當抒所學豈知磊落心蚤已灰初服但爲上  
官走無爲下民牧宦海波靡中有吏那不俗新來調下  
邑公堂希敲扑我與民兩忘無才得清福頗思理舊業  
開我囊書讀焚香掃訟庭雖貧願亦足

陳曰讀此詩知  
此公必非俗吏

### 丹陽道中

舍舟發林口昧旦戒僕夫登車續殘夢晨露衣沾濡征  
人怨行役意嬾心不舒村婦畢梳洗已下田中鋤春風  
吹枯草綠過鄰園蔬生意淡如此穆閱羲皇初

烟嶺樓詩集五

十一

### 車中作

薄暮車輓輓沙路村中穿土牆黯塵色寥寂無炊烟問  
我今安宿乃在岔河邊去此尙十里心急程邈縣寒鴉  
啄枯木疲馬奔流泉飢渴思飲食物我皆自然

### 二

秣馬馬蹄疾脂車車輪輕可憐小兒女母死爺遠行昔  
我歸自客夜夜聞啼聲曳被強覆首悽楚那忍聽長夜  
不成寐悼亡悲零丁幸依大母側嬉笑忘哀情別時頗  
落落遠道忽怛怛苦思意若失坐看前山青

鄉縣謁孟子廟

昔讀孟氏書今謁孟氏廟  
禮器考制度衣冠肅瞻眺  
奇井天所開瑞木庭前繞  
正氣千萬秋微物鍾靈妙  
婦孺驚鬼怪革面崇異教  
豈知無聲中常有容光照  
其旁宗子祠歲時修劔芻  
仲子孟子子二世列神號  
核諸漢儒言稱謂恐顛倒  
孫曾與元來名字傳焜耀  
史無孟世家世本畱管豹  
宗支溯周秦歷歷誰相詔  
七篇著清議辯難資遠到  
豈無隨樂正後先入奧窈  
修明禮官責廟制同學校  
賦詩紀鄙愚聊爲後賢告

歸途雜詩

烟岫樓詩集五

十一

稅駕入旅舍手拂塵衣裳  
脫轅馬辛苦滾地銜柔繯  
主人面如墨缺足支板牀  
脫粟難下咽薄酒誰能嘗  
去年遭大水今年多飛蝗  
頗聞山東道比戶憂饑荒  
垂髫村女兒忽入坐我旁  
自言八九歲唱曲能侑觴

陳曰如畫如話

陸曰廷謙甲子出都時見旅店題壁有句云行人錯認鴛鴦侶我作哀鴻一例看意亦有心人也吾師此詩意在言外更爲含蓄不盡

二

悠悠道路長坐我一車窄  
浮雲亘天際風來淡無色  
千秋萬歲名磊落道旁石  
何人下馬看摩挲生歎息  
慷慨

作期許轉瞬分今昔我車輪下塵皆有古人迹

劉日詩僅六十字而吞吐山川之氣俯仰今昔之懷皆見於言外

三

老牛拖碌碡碾麥初上場昔我北行日田中猶未秧迢  
迢四五月美人天一方卻憶去年事鬼魅驚跳梁燈火  
照顏色擁被夜傍徨水流落花去所思焉能忘

周日第一首時事之感第二首身世之感第三首則舍人悼亡之作也道光丙午夏秋間忽謗傳紙入城鳴鑼誦經比戶騷然詩中鬼魅跳梁句指此

清江驛

五月初十夜我宿清江驛倚枕不成寐明月照牀席忽

烟嶼樓詩集五

三

覺。輾轉閒見婦好顏色。愉悅與我言欲近不可得。昔殤  
周歲兒亦復在其側。嬌癡能行走呼爺索我食歡笑若  
固有焉。知幽明隔驚起看殘燈。我身猶在客。男兒事壯  
遊磊落見胸臆。瑣瑣兒女情何爲常不釋。入夜夢見之  
此情曷其極。夢中人已矣嗟悼復何益。

郭日神似老杜

烟嶼樓詩集卷六

鄞 徐時棟定字稿

慈谿葉鴻年原名維祺刊

五古三

李笙南維鏞以慎言詩見示有感而作

四座方高談我亦將有說  
猛省強制之而已在喉舌欲  
吐不敢吐欲咽不可咽  
輾轉心煩懣不覺傾情出夜卧  
良自悔曉起仍故轍何不忍須臾相期在明哲

二

結交重意氣發言誅其心  
倔強不肯服與我語相侵斯

烟嶼樓詩集六

一

人定豪傑久必佩良箴  
或者聞吾言默默若聾暗視色  
報無地入骨怨已深咄嗟語扁鵲  
妙手無古今入山逢  
病虎慎勿施砮鉞

陳曰分金  
爐照妖鏡

三

古之慎言人其始必狂  
直慷慨陳是非奚啻拯飢溺世  
網末路多始悔吾言激箴規  
貽後人語語皆身歷

四

譽我雖過情暢然若自負  
罪我雖輕典反側尚辭咎縱  
使服無辭磊塊難消受人情  
不相遠即我驗諸友

生少好議論於性得其麤重冒不避名視我皆狂奴常  
欲作默譜忽忽不成書昨日見君詩今日猶故吾賦此  
聊自勸將以返迷途慎哉口戕口前言焉可誣

陳曰莊語出以流逸闕  
歷之譚最足發人深省

陸曰人人意中之所欲言人人口中

之所不能言讀之真覺實獲我心

童曰從自己想從對面想總見得言  
不可不慎非過來人不能道其隻字

無題

靈星在西北其義果何居舉座盡嘿瞠目空苦思一  
吏忽長揖慷慨前陳辭大官動顏色撚鬚而聽之此吏  
乃前白下吏非敢欺靈星在西北唯我亦不知

烟樓詩集六

二

二

夜半叩縣門有丞登縣堂自言公事急相見神張皇夫  
男負耒耜婦女執懿筐年年二三月憐彼愚民忙何不  
休蠶績遲之天降霜此時農事畢禾稼皆登場縣官答  
縣丞公謀則既臧可惜正冬日無地采榆桑逡巡辭縣  
官長揖心怏怏叶大才不肯用此丞非尋常

三

鳴鑼戒前途綵繖高出檐道旁垂手立官府何尊嚴下  
轎謁長官長官謂我廉歸來坐飲酒食肉苦不甘有客

昏暮至對我語喃喃我笑客亦樂密室無人覘

雜詩

巢燕哺羣兒不念雛雞渴雞長燕無恩仰母聲節節萬物各自愛誰能等秦越養子需人謀生理自茲絕

二

一紙畫千人狀貌多髣髴出門行萬里所見盡區別茅檐負冬暄禪中捉蟻蝨彼亦貌不同但我不能察

劉曰末二句異想天開然於理實當如此

三

敗堵愁狂風何不造夏屋斗米三千錢何不食肥肉觸

烟霞樓詩集六

三

執對我語自言知心腹憂來無斷時攤我囊書讀

四

食貧意不廣鬱鬱且飲酒既醒苦酒債我爲口所誘昨日負薪子今日新太守莫怨馬前奴白雲已蒼狗

五

微風生大浪無水風無因謗書積盈篋何爲怒他人女子夜千夢不夢冠儒巾男兒夜千夢不夢嫁比鄰

六

離婁雖云明不自見顏色師曠雖云聰不自聞臥息健婦勝丈夫夜來休蠶織螳螂捕鳴蟬黃雀在其側



七

娶婦恩愛多呼媒覓新偶入門交相瘡恩愛更有秦  
皇并六國函關不能守勿愛施巨妍誰怨無鹽醜

八

誰家窈窕子汲水贈雨師殷勤意良美道遠莫致之村  
烟自云厚上與雲爭飛浮雲蔽明月眾怨風不知

童曰莊  
列之筆

九

隋珠易兒餅失餅嬰兒啼酒徒不愛名賈客不願歸閉  
戶事述作動言知音稀生人各有欲我是人豈非

烟嶼樓詩集六

四

十

久居思作客出門思故鄉兩心互相易可以解悲傷出  
谷無靜雲點水無凝霜秉燭事夜遊不如候晨光

烏曰十首皆夏夏獨造簇簇生新  
忽斷忽連絕似古樂府中佳句  
郭曰十首言近指遠  
深得風人比興之誼

手種鳳仙花率爾成詠時方與兒子隆德讀書

崇本書院

名花不易得得亦不易栽手下鳳仙種趁此梅雨來十  
日長一尺半月花有胎今晨啟簾幙紅白相閒開窈窕  
滿生意爲爾時徘徊

朱翁棟材話先大夫造鄞西南硤港橋時事感

泣賦謝

扁舟訪朱翁殺雞陳蔬果酒中話舊故勸我少安坐澤國田下下貧憂富不啻吾鄉北渡西旱澇測尤叵昔在

虞大夫作硤奠洪饑

虞光祿大甯作風朔  
硤事具符信道記中

水涸注江潮

雨淫洩溪澗長川喚渡難石橋漸堆堞港三石橋各

各小而楸納水水來遲一杯救車火放水水行急覆舟

常失柁乃公來相度曰此橋爲禍一橋更狹小驚湍迅

飛笥稻田圻龜兆水政已叢勝人命輕鴻毛利害豈瑣

瑣亟當撤去之啟扇脫其鎖易地而寬廣宜在楊祠左

經始方有期諸楊持不可謂有形家言改橋不利我諸  
楊世厥居族大其人夥公乃具衣冠戶說如炙輶曰我  
改斯橋夷平化埴坳奈何惑無稽徒此煩言哆一一諾  
無詞輦石疊嵯峨長虹卧江湖五門高豁聞吁嗟公此  
舉鄉邦賴安妥至今二十年不聞沈一舸世見浮梁成  
先大夫所修 目公眞磊砢豈知作斯橋心力更勞瘳大  
東津浮橋 夫有遺廟卽風 朔廟耐公薦果祿食德報斯人我言理豈頗  
不肖痛幼孤此時髮猶髻顯揚負楹書敢云時輒軻兄  
弟葺浮梁析薪慚負荷聽翁話先德再拜淚雙墮

陳曰此與前話舊篇後石工胡翁篇皆有關世道之  
作若徒以頌述先德爲明發之懷猶未知作者之用

也心

四十生日感懷一章示何韻仙馮午卿焜邵又

橋錦泉 烏釀仙 世耀 李蓮史 世濂 諸子

仲冬日廿五我生黃昏後嬉戲十六年地天託高厚廿  
歲與卅歲孤兒尚有母是日必祭先饋食祝兒壽嗟嗟  
今何年太歲在癸丑我年甫四十已作鮮民久月日逢  
生辰衣冠來我友揖我謂我好登堂索我酒豈不願諸  
君痛飲兩三斗嗟我餅既罄未堪再回首

咸豐癸丑余年四十明年正月朔忽從子舟得

韻仙除夜見詒詩燈下走筆奉酬撫時感慨情

烟嶼樓詩集六

六

見乎詞

憶我甫少年登壇與君戲君握許城旗我拔趙家幟辛  
苦遭亂離精悍曾不異時或念及之宛如昨暮事新詩  
眼驚開歷敘舊遊地始覺初論交候經年十四君已五  
十一我亦四十歲在昔皆後生於今不足畏我聞人有  
言人壽六旬例以比十二時一時五年計今君交戌初  
而我尾於未無聞滋益懼將弗嗟暮氣雖然我與君蒼  
蒼所位置生材必有用無用因暴棄立名與立言亦各  
視爾志勉哉學母荒晚成斯大器

郭曰固是夫子謙辭然聖賢孜孜屹屹儘有望道未  
見處讀到無用因暴棄云云如冷水澆背如熱油灌

頂夫子自待待  
友何惇篤乃爾

二

廿載謬相識雅知夷吾貧慚媿鮑公子乃無財可分歲  
晚知更急迷途猶問津我曾借前箸而惜君不聞廣廈  
庇寒士起視今何人樂道廢生計空言徒云云陋巷無  
簞瓢讀書焉養親君子亦謀食所貴不辱身

童曰至  
言可佩

三

吁嗟此何世滿地皆風波鬼蜮好顏面視人常笑呵千  
瘡而百孔力任良非他含沙忽相射我幾遭畢羅言玷

烟岷樓詩集六

七

不可爲圭玷猶可磨束脩思斂跡逼迫其柰何白雲封  
靜谷猿鳥難見過君意殊怏怏我羨君則多舍己芸人  
田望歲計已差千秋果安在學荒時蹉跎因君詩言志  
我亦永吾歌歌聲如金石請君三摩抄

劉曰讀此見吾師與何丈相與之厚相愛之深不是尋常酬答又曰首章我聞人有言六句極奇創二章陋巷無簞瓢四句極真摯

癸丑十一月二十五日徐十三柳泉四十生日後十

餘日大會親朋立兄子爲後詩以話舊並志其事凡

六十韻

何琳

憶昔歲庚子與君交始結我年卅有八君年二十七

登君烟嶼樓

若居宋月湖十洲之烟嶼故以名樓

入君神清室

君得古銅印文

曰神清之室

慕君投以詩報我句何疾我時館南湖訪我

當春日昆季敬我門高蹤不輕出縱飲復狂歌相逢

逸興發是後多往還投贈篇不一閏月記重三竹溪

追六逸朱顏皆少年圖畫肖毛髮

辛丑閏上巳君兄弟同余及陳子相

烏釀仙王稽雲出遊聯句賦詩君既作序復召良工爲之圖而趙粹甫記之

歡會無幾時

彼此悵離別西夷浮海來侵疆及吳越道路奔波中

爰爰如兔脫奉母我山居貧病兩愁絕聞君入光溪

芒屨告君實從君負米歸生死而肉骨親愛逾弟兄

此情難罄札明年掃妖氛

烟嶼樓詩集六

八

王師鎮旄鉞流離半載餘家園還故轍相見重相憐話

舊各嗚咽轉瞬決文戰努力錦標奪溫卿八叉詩江

郎五花筆乃遇九方歎空羣氣超軼

癸卯歲君受知於羅侍郎師以

文行並優

秋風木犀香有弟興也勃

是歲君弟子一舟與秋賦

第博親歡秋曹旋釋褐

乙巳子舟捷南宮觀政比部

君氣益飛揚

我亦思振拔相將同入闈相視竝奇崛君復遇賞音

我復憎命達送君赴京華獨立風瑟瑟文章不值錢

有靈向誰乞

甲辰丙午余皆薦而不得售

君亦悲喜兼空房思忽

忽

丙午秋雋後卽悼亡

下第歸去來出遊增傲拂所爭身後名

眼前甘小屈繡幙重牽絲庶士歌迨吉兒婦懼巾孟

晨昏奉甘滑乃弟既遂初承顏同繞膝時子舟乞假南旋養親不

出悲風起令原一翼痛彫折庚戌十月五臘鼓慘哀

音萱堂蔭旋失是歲十二兄弟撫春衣慟哭線痕密

表墓揭瀧阡時在歲庚戌匆匆三年來感時尙銜恤

君年忽四旬初度仲冬月自謂荼苦餘忍聞稱觴說

顧惟耿耿情嗣續竟猶缺三生而三殤空喜生如達

然雖生兒遲可先子吾姪一脈皆至親猶子何區別

作爲告廟文拜後禮秩秩酒食會親友我與賓筵列

十二月十達哉君所爲計亦何其決屈指十四年境

遇相髣髴君志未展舒我心多拂鬱連理四荆樹一

烟嶼樓詩集八

九

樹本先撥有母未能養後君同泣血科名不如君一

子愚魯質歲歲苦食貧交謫我無術所幸六人中車

笠非契闊詩酒尋舊盟清時祝安謚我作巴人歌不

遑計工拙知我同心人酣歌耳當熱

郭曰道光甲辰傳璞嘗以時文就正於韻仙先生未讀先生詩古文也今年夏屬先生婿檢遺集將肩李漢之任尙未得報快讀此作情真語摯見兩先生相契之雅之深至於如此亟錄別紙爲之泣然

周屏厓明經珪挽詩

昔我住湖西相去不盈咫三世締深交忘年誼明美高  
燭照四隅痛飲喝盧雉行樂隨少年亦豈嗟暮齒自我  
卜草堂稍稍遠城市與翁不數見偶見各歡喜春來忽

聞訃爲翁悲不已垂死猶念我我悔不一視年華旣八  
齡人壽亦可止庶幾榮孫枝門第蔚然起

山中

干戈四五年金陵久榛棘飛檄速星火滋蔓江南北兩  
浙嚴保障比戶安耕織瘡痍境外深樂土太平德告我  
道路言小捷生喜色諸君裕將才何計報

君國念無曹劇謀未敢干肉食頗聞高陽徒紛紛獻長  
策踐土戴皇天杞人憂反側不如空山中充耳無消息  
山中夜有鳥呼姑者不知其何鳥也感而賦之

我來山中宿夜夜聞鳥呼呼聲自相續聲聲呼其姑恐

烟嶼樓詩集八

十

是孝婦魂悲念姑拮据垂死不忍舍旣死猶嗟吁野鳥  
啼姑惡性豈與臭殊詩人託歌詠薄俗何恃扶我哀此  
鳥鳴此鳥類孝鳥聞聲不見形不則摹其圖詎諱達寢  
室德色見耷鋤持圖示薄俗可以人不如

山僧掘芋

山僧見我至掘芋將作羹荷鋤上山去我亦隨之行芋  
田縱不廣葉葉相縱橫下鋤劔烟靄剝葉披其莖僧言  
今夏旱芋子苦不生干錢買芋種下種以清明七月獻  
佛會此時當收成拔種四五十一盂猶未盈新來閒月  
餘稍見旁芋萌九月十月交纍纍其滿畝負筐下山嘴

濯之溪水平松枝雜茅葦溉釜爲我烹嫌此味滑滑不  
如水田清領取嬾殘意斗酒聊用傾山芋不畜水俗各  
旱芋固與水田芋  
異種也

咸豐六年八月將盡余至錫山治先墓憩金巖

寺中石工胡翁久事先大夫夜坐寺屋爲余道

遺訓遂及近事余感其意述其言而賦之成三

十二韻

咸豐六年秋我來錫山阜卜吉治先墓息佛堂右石  
工有胡翁督役猶健走歎息願我言我事先公久公昔  
有匠事事多成我手聞義公勇爲合貨十常九我曾願

烟嶼樓詩集六

十一

公言生公良不偶一揮動千金胡不恤公後公歎願我  
言至理汝知否我亦貧窶人不覺積而厚子孫而能賢  
類我亦何有不然縱多財遺之豈能守況我意不薄一  
夫田百畝作息事儉勤籩粥可糊口惜公志未竟天不  
畀公壽可憐喪心人鑽營成利藪竊竊讀書堂卜築傍  
深柳誦聲幾闕如寂滅無師友坦坦東津橋關河作樞  
紐造舟粉飾之大木皆枯朽謂阮士達爲柳汀義學司  
事府胥徐宗岱爲甬江浮  
橋司事今賴賢弟昆一一重任受興起曠敗餘公靈所默  
誘嗟公歸道山昔歲當己丑至今三十年我亦頽白叟  
見公賢子孫於公能不負始信公言然太息重回首我



歎願翁言小器如簞斗敢望我先人德量本無耦富貴  
俄頃閒變幻類雲狗惟德資久長遺訓銘戶牖翁能知  
此意庶幾言無苟爲我語鄉閭勸翁一杯酒

次韻答何大孝廉將出都中有懷徐十三舍人

之作

慈母手中綫遊子身上衣努力期報答再拜輕別離出  
門多苦辛倚閭多苦思遊子不念母母心十二時下第  
歸去來繫船湖水湄殘冬風弗弗悲絕萊綵嬉浪跡竟  
何事悔我徒奔馳奄忽四五載春風重及期會君新得  
志奪標果不疑鴻鶴漸高舉順風翔

烟嶼樓詩集六

十二

帝畿晚成慰初願才名無與齊我來走相送一舟門前  
羈問我行何日我心君未知待我以春仲勿愁知音稀  
送君君去矣前言吾戲之富貴豈不樂昔是今則非一  
舉名雁塔再舉身鳳池上林有全樹借我棲一枝春暉  
已無及寸草長自悲縱我行不負我亦悲無涯況復不  
如意歸來空歎歎以茲食吾諾應怪吾言欺今君亦歸  
爾相見兩依依客塵雖云惡遊人仍妙姿示我北遊集  
見君懷我詩我心漠無動君詩如見催浮名卽非願壯  
遊良亦宜征衣綫猶密君行吾當隨

童曰收得不測 又曰篇中凡作六折迴  
環如意幾忘其爲和韻之作悅服悅服

原作

何琳

飛風捲塵沙吹我遊子衣天涯望明月故人新別離  
別離分兩地一日長相思相思不能寐容顏入夢時  
昔君北遊日送君河之湄恨不偕君往著鞭同笑嬉  
迨我束裝去幽燕始驅馳因君來送我我問君行期  
君言春正月出門定不疑屈指二月盡見我於京畿  
我舟江與淮我車鄒與齊望見春明門我馬初脫羈  
念我索居日長安多故知謂宋蓮叔觀察令弟子舟比部童薇研太史今  
我來不易舉目知音稀時諸君皆歸里中日日望君至有酒  
斟酌之輪蹄駐門外謂是而竟非忽見紅杏開春色

烟嶼樓詩集六

十三

盈鳳池羨彼年少郎翩翩高折枝

趙粹甫庶常佑宸盛蓉舟戶部植型

天香聞隔樹顧影殊自悲睽君四千里山巔復水涯

殘燈明旅館苦吟而歎歎平安寄君信近狀吾無欺

天街車僕僕官橋柳依依相見已不遠快覩君丰姿

話舊出西郭

時君新遷居城西

示君都中詩會當尋舊夢行

色春風催木天與薇省位置君竝宜知君不我棄一

鞭願追隨

白晝

白晝入都市手攫金與銀下吏自陳訴見物不見人蟻  
蝨嗜膚血口中成灰塵關國得土地眈眈來強鄰萬物

各有主。忽覺生貪。頓但見目前者。焉知非瞽民。

二

聞昔老聃言知足。自不辱斯言。到今稱我謂未超。俗人心無階級。貪廉各有欲。勿問何日知。先問何時足。旁觀雖了了。不得曉當局。易地皆復然。誰能別清濁。

烏曰造語如諸子造意則勝之

童曰意則深奧語則洞達

烟嶼樓詩集六

十四

烟嶼樓詩集卷六

男隆壽平甫校字

烟嶼樓詩集卷七

鄞 徐時棟同叔稿

茲谿葉鴻年吉甫刊

五古四

咸豐戊午五月有感時事賦示陳子相大令勳

張葆宰 善元 范芾廬 邦棠 兩明經

城西十萬戶守望遙相統  
牛刀姑割雞小爲梓桑用  
三年作寓公我亦憂患共  
畏事聊閉門欲抱灌園甕  
任性昧時宜談言未能中  
況已覆前車鉅創甚傷痛  
故人知我心知我直而贛  
不來強逼迫清我草堂夢  
君材吾弗

烟嶼樓詩集七

一

如相較非伯仲乃聞道路言  
毀譽半輿誦人心之不同  
如面各種種遇事無小大  
末或免譏諷論既持短長  
欲亦難厭縱不因譽言喜  
豈爲毀言恐我心苟無瑕  
奚恤人言眾勉持報答心  
努力萬珍重

童曰沾沾計毀譽者必非有作用人

二

昔我治芻絲欲挈緒無統  
築室于道謀吾謀適不用  
臧違否是依患難則與其  
變故起倉卒使我幾入甕  
前言猶在耳不幸多言中  
誰與爲此禍痛定尙思痛  
慷慨明夙心翻謂吾言贛  
閱歷知艱難回首如昨  
夢今君方事

事已歷夏初仲老馬識前途往事爲君誦同心事乃濟  
去莠嚴非種以君舊聲名接物婉多諷不妨意氣閑部  
分隨指縱矧得素心人相恃以無恐諸君練達材三人  
已成眾我則猶戒心不足爲君重

童曰此首特申明前  
篇耳兩首只如一首

徐十三舍人以感事詩見詒次韻奉答

陳勸

承平二百年車書大一統士也生其閒明體貴達用  
胞與切吾身憂樂天下共捍衛僅鄉里已等天窺甕  
袍澤詠同仇挽強誰命中蒿目惜時艱撫心滋隱痛

烟嶼樓詩集七

二

戲笑并怒罵不自知愚贛稍破鄙夫慳庶醒癡人夢  
豈復畏多言折檀賦將仲豈復慕鄭僑殖疇致輿誦  
舍己而芸人硯田廢耕種平生知己交一一來規諷  
謂我昧機宜謂我失操縱謂我亢有悔致福常由恐  
獲謗而招尤我寡彼口眾智小愧謀大道遠懼任重

二

昔讀樂志論我慕仲長統載披莊生言樗散安無用  
只爲念鄉井守望宜與共支廈非一木射鮒占徹甕  
慷慨談時事情弊頗切中似此切近災難忘剝膚痛  
遂致驚座名人人笑狂贛尺素忽傳來剝啄破幽夢

始知南州士寄語於陵仲箴言拜良友所願終身誦  
桃花源裏栽五柳宅邊種塵書其高閣朝夕資吟諷  
懸厓思勒馬一鞭勿輕縱行雲流水意心閑復何恐  
老氏守雌黑孔言吾從眾和衷期其濟千鈞不爲重  
前詩意有未盡疊韻復寄

鄰郡聞戒嚴鵝鶴三軍統凡有血氣者思爲國家用  
矧茲濱海邦勢如脣齒其遂使鄞西臬老圃廢抱甕  
非謂具智略十事令九中聊以固吾圉庶免瘡痍痛  
抱此區區懷才疏語復贛那知斯人心同牀各異夢  
吾黨二三子孝友推張仲直諒吾益友藥石言足誦

烟嵐樓詩集七

三

少伯亦奇才卓識超文種遇事相籌策微言多婉諷  
謂葆宰 我敢執已見詭隨慮或縱不然水懦弱民玩

吾亦恐和光而同塵自詡寬得眾鄉愿非中庸畏意  
異持重

二時舍人書來言  
將修合印泥

偶習雕蟲技日玩六書統爲之賢乎已勿使心無用  
草堂况伊邇素心晨夕其我雖不善飲相邀酌春甕  
古法論秦漢方員規矩中投報敵瓊瑤詎抱卞和痛  
石交稱莫逆率性忘吾贛有客贈丹砂恰符吞篆夢  
配以三年艾研合期夏仲吾豈忘斯言煩君爲載誦

故人良愛我用意非一種聊此代招隱免遭塵世諷  
遊藝以適性鐵筆不嫌縱善刀而藏諸懸磬有何恐  
雖有鑠金口足弭萬喙眾卽此感君意錫比百朋重

子相以手雕私印數十方印作橫卷見詒復疊

前韻報謝

篆刻雖小道問誰別流統人人知抑塗二字見呂覽古  
人謂印泥爲塗

也祇弗虞倒用蒙君惠此卷與我賞奇其君本工六書

秃筆已盈囊時復爲印人方員矩規中嗟彼摹仿徒俗

陋良足痛後生壞成法師心亦狂贛唯君變而通吞篆

如有夢徐張吾不知謝山稱吾鄉先輩中徐  
啟睿張逸精篆學鶴印陳廬其伯

烟嶼樓詩集七

四

仲廬抱經余謂君作在陳後盧前吾鄉近以印譜行世者有陳簫樓  
但使不背古焉必

問倉誦謂倉頡  
沮誦粲然茲具陳大小非一種餘楮云俟後

題卷任譽諷需之五百年應識我豪縱世謂太憨生人

言君亦恐問我當謂何我曰吾從眾然而謔浪閒君意

則已重後五韻並用  
來札語意

悼宋仲穆廣文紹周殉節壽昌同子相作仍疊

前韻

王師守嚴陵軍威遙鎮統壽昌非壯縣其國武難用脣

齒藉聲援安危方與其新來忽罷兵時嚴州已  
撤兵守固圉無

鐵囊壽昌  
無城鞭長腹不及事急謀誰中於是君誓死義憤

抱深痛從容別諸生暮來嗟子贛致身託宮牆願隨兩  
楹夢聞有高子羔謂嚴州學高廣文走勸卞人仲口占絕命詞

慷慨爲之誦嗟嗟六一翁君年六十一鬢髮已種種豈貪身

後名豈畏後生諷忠孝非僞爲至性本天縱羊質而虎

皮俄頃見豺恐不見喪亂來學校仕人眾但有三廣文

鼎足一時重謂同時殉節之松陽教諭徐清翰遂昌教諭景采臣

二

論議好昌言雅似仲長統平生磊落心展材期世用三  
年京華歸燈火毛錐其憔悴不得志狂飲開春甕朝朝  
與過從時時聖賢中游戲非微逐語言每沈痛愛我以

烟嶼樓詩集七

五

箴規謂我直而贛停雲陶公詩生草謝家夢月湖卧雙

虹來往各昆仲謂君弟蓮叔及余弟子舟一去爲人師校士交作誦

異地懷故人如君信情種書來懶不答我爲君所諷俄

聞將挂冠追歡擬酣縱豈知六年別孤臣泣惶恐離名

泣孤臣坡老句也千秋萬歲名會當傳者眾我亦思誅君而豈

足輕重

六用韻悼其六郎宗槩

昔君教子孫每懷仁義統立身勉無忝讀書望有用洎  
平誓死時矢與妻孥共料無覆巢下完卵大如甕嗟嗟  
垂髮郎慘遭網羅中聞之淚交流述之心惻痛兄弟相



訣別大言似狂贛六郎年十三爲賊掠去臨行謂七郎曰我在賊中稍長必當盡殺賊以報父鬼神鑒此心足醒倖生夢今閱兩月餘去時當夏仲

消息賊中斷道路無傳誦幸君多男子懋先喜有種五

子早歸來閉戶安吟諷君以多子懼累清廉先遣其長者五子歸里七郎幼

而慧遂爲賊所縱謾罵效乃翁崛強亦無恐七郎宗臬年十一詭

言九歲賊縱之罵賊而行遂裹糧奉其母挈幼弟二妹避居山谷中忠孝固有後矧已成

材眾諸郎各自愛遺德千鈞重

悼殉節宋廣文五疊徐舍人見贈韻 陳 勸

儒官雖末秩實寄斯文統不幸遭時艱借才資幹用

君與壽軍需切齒

烟嶼樓詩集七

六

君父仇誓不戴天共我圍憂孔棘焦釜沃漏甕已悲世

網嬰豈畏禍機中口占廿四字字字餘深痛忠孝不

兩全吾爲王子贛倉卒聞寇至未熟黃梁夢時方紛晨炊

紛由竇高瞰瞰結纓仲罵賊不絕口道路猶傳誦嗟

哉鄭廣文鬢絲已種種臨老身陷賊徒貽後世諷君

獨明大綱好飲非任縱砥柱當中流委身風波恐如

彼大昕鼓徵之以警眾成仁君不愧一死太山重

七用韻哭及門李勤甫孝廉厚建死事東錢湖

上

廉訪自西來散漫將有統徐徐待割雞忽以牛刀用癩

亦爲癰疽戴天如其徑入虎所穴遂至鼈居甕不幸  
短命人厲氣粹然中歸元非可期覆醢吾滋痛旣懷慘  
怛心亦復悲悍贛荀子悍恣好鬪似勇而非恣與贛同秋駕安可學早絕  
尹需夢請纓爾終軍隱居我虞仲閉戶與世忘姑妄聽  
輿誦近日忽紛紛妄傳謂勸甫曾回首嗟斯人奇才亦  
來見夢於余乞爲之報仇  
雄種慷慨代父行謂免世譏諷追殺自有人指示宜發  
縱柰何攘臂前恃氣而無恐徇生已可傷物議猶口眾  
此爲鴻毛輕抑爲泰山重

烏曰末四語有分寸

風人之旨史氏之筆

郭曰曼韻諸作妥貼排算愈出愈奇

載讀和詩真所謂竝皆佳妙者也

烟嶼樓詩集七

七

### 贈朱絳山

祺

故人自光溪來向草堂宿把酒良歡欣夜深猶秉燭古  
道照人顏曾不染污濁相交三十年肫然惟守璞吁嗟  
今何時那復舊風俗江河日夜趨雞狗相徵逐讀書解  
章句固應別庸碌所居況深山氣誼向惇樸何爲指數  
閒使我歎君獨而以斯人斯乃失泥塗足昔來卽我謀  
謂我言維服別後更加厲百悔胡可贖君歸語故交守  
身貴如玉小心事友生無爲吾黨辱

### 次前韻答徐曙峰

仁恩

故人和我詩遠寄隔三宿見詩知君心六府明如燭在

山泉水清出山泉水濁每懷山中人歸真完太璞入山  
當入深深山有雍俗頗聞仁里中未肯與時逐舉世任  
滔滔飽飯安碌碌地氣固云良不散嬰兒樸亦賴骨鯁  
士矯矯立於獨我思馬少游衣食取裁足所願來深山  
芒屨而野服結屋與君鄰良田爲我贖讀書課耕傭我  
亦寶吾玉不見佻達風庶幾遠恥辱

童曰此等詩和平深遠  
非專事涉獵者所知

昨以事往宅山從朱絳山扇頭見徐君柳泉贈絳山  
詩讀之不禁狂喜昌黎云混混與世相濁而其心獨  
追古人而從之徐君眞其人矣主持風教砥柱中流  
非君而誰歸卧山齋喜不能寐挑燈起坐次原韻卻

寄

徐仁恩

故人城西來言就君家宿示我扇頭書向明同舉燭  
想見徐孺懷滄之不能濁精華蘊物材蒙沙而固璞  
起視人世閒相習染汚俗懷意貪狼殘乘釁瘼狗逐  
鐵中誰錚錚澗中但碌碌衣冠逞窮奇心性散惇樸  
大廈已將傾烏覩靈光獨惟君著風裁不失紅塵足  
德音結爲佩芳猷帶爲服常懼受垢污兼金嗟莫贖  
殷勤勉交遊各貞元圃玉受賜我已多敢拜君言辱

咸豐九年五月二十三日同慈谿馮鱸薈廷藻

王簡侯 庸敬 同縣楊小苑 爲煥 乘轎出天童寺

至小白河頭小憩王家店遂遊阿育王寺看晉

松及妙喜泉諸蹟步至寶幢河泛舟而歸暮抵

草堂漫述所見示同遊諸子

夜宿天童寺曉出天童街夾道長松樹短者新培栽行  
至松盡處乃有伏虎臺野景足容與山色迎面來以山  
作門戶重重天安排竹輿不設蓋看山殊復佳

二

太白山崔嵬一角劃然裂 道光二十三年事近志  
謂寬廣百餘畝者妄也 前年

傾倒處至今爲赤壁莫壽匪岡陵何故忽崩墜佛力豈

烟嶼樓詩集七

九

不勝忍使巨靈擘土色黃居中循名色應白物性或變  
遷白沙在泥黑何爲如丹砂力破故常格乃知造化工  
一氣通地脈吾鄉稱洞天山丹而水赤所見證所聞吾  
言非耳食

三

風來吹葛衣復去拂襪履鄉村五月中茶市猶未罷市  
塵接隴頭誰家短牆亞倚門頌白翁相見忽前逐問我  
來何方邀我入旁舍輿夫佇立聽整衣爲之下與翁昧  
平生吾意頗驚訝翁言耳盛名文章滿聲價何處曾見  
君一別十年乍行色惜匆匆不得畱君駕感翁意慇懃

訪翁迫我暇。轉問翁姓名。自稱爲王稼。能作孽窠書。此鄉名藉藉。一笑別翁行。拱手向翁謝。

四

下嶺小白嶺不數里。彎環入村徑。前旬將入山道。由此中

經叶主人見重來。拍手笑而迎。野店苦不廣。坐客兩三

稱。老婦自煎茶。呼兒滌塵甌。少婦罷晨炊。梳頭開明鏡。

問我十日來遊事。當已竟。客子雖倦遊。尙有看山興。

童曰野店如畫

五

行行重行行。早涼猶未已。我舟泊河濱。放去寶幢艤。招

烟嶼樓詩集七

十

手呼輿夫同行。一時起眼界。豁山川觸處生歡喜。平疇

萬頃風綠波。吹瀾瀾桑柘。陰前村知有人家。幾古廟紅

粉牆中。祀鬼谷子。傳聞昔曾來。有水硯曾洗郭璞賦。新

詩云亦曾到此圖。經類荒唐一不足。恃棖觸懷先人

來著遊山履。買山費青錢。地與廟鄰比。擬此卜壽藏。江

河路迢遞。晚歲遊錫山。舍此而營彼。今我偶經過。先疇

何處是回首。三十年茫茫問誰氏。

六

道出田中塍。遙遙一山阻。云是白雲山。山名一何古。山  
下何所有。千堆萬堆土。古墓無表碣。縱橫閒禾黍。聞昔

葬王孫輝赫御碑樹宋趙清敏公與權葬其父忠獻公  
亭皆理借問荷鋤人答言不知處希言於白雲山下有直清乳泉二  
宗御書

七

遠見育王山山亦不甚高萬山侍左右中處意不驕天  
童山如抱育王山如朝大造闢勝境故於人意超

烏曰如抱如朝古今游人無不目擊而從未聞有  
道及之者一經拈出活現當前慧眼耶慧心耶

八

古塔矗山巔不知瓦與鐵此豈晉太康地中湧而出是  
山靈異多往往聞人說我讀感通傳奇幻無可詰迦葉  
佛經過左足跡不滅佛跡誠難知左右誰能別又聞虛

烟嶼樓詩集七

十一

空中神光映僧七六僧去不還烏石剩僧一即所謂袈  
裟石者  
同人色飛舞願往窮其實我雖不善遊頗曉看山訣大  
者爲名山小者爲邱垤參錯向背閒位置苦心設看山  
如讀書當以大綱挈數墨而尋行瑣瑣吾不屑

九

入寺恣遊覽東西已周回堂室豈不具景象殊荒頽但  
見舍利殿璀璨有光輝士女發歡喜以爲布施媒餘或  
半工作瓦石猶亂堆莎蘿與拾翠皆國朝僧碗荃所  
葺者碗荃於寺頗有  
功詳見古址生苔莓僧侶亦寥落二兩聊趨陪荃公已  
不再璉杲焉能追始歎昨遊寺凜然清嚴規威名本相

埒副實由人爲所可爭勝者此寺多古碑厯厯在牆壁  
磬以磚四圍不惜爲徧讀久立牆之隈持扇障烈日汗  
亦不暇揮然而堪與語片石惟宸奎坡老自書宸奎閣  
銘今尙嵌佛殿下

壁左

十

寶殿何莊嚴金鐘舍利在碑記劉薩訶千五百餘載感  
傳劉薩訶得舍利在西京晉太康二年辛丑至今咸豐  
九年己未凡一千五百七十九年黃南雷舍利記謂洪  
武以上至薩訶歷一千九百七十年之久者誤也計太康  
二年至洪武十二年己未宋景濂作碑時實只一千九  
十九年耳僧云佛慈悲色相隨人改請我試一觀會當發奇  
彩願言瞻禮之我遊今已怠長嘯出殿門此意僧不解

烟嶼樓詩集七

十一

十一

我欲觀晉松僧言松已矣殿門咫尺閒爲我一遙指地  
上蟠枯柯矯變非可擬崛強而離竒神龍沒猶視惜我  
來已遲眼福慳如此僧言數年來靈物固不死時見殿  
上嬉玉貌兩童子迹之杳難尋毋乃茯苓是吾師好神  
仙聞之發狂喜負鋤劔松根徧劔求形似茯苓不可得  
松根則傷爾其秋風雨作遂仆不能起嗟爾放光松閱  
人不知幾不幸遭僨父棄之如敝屣松耶亦何心誨盜  
而銜技遊戲幻嬰兒夫豈不容已

陳曰神龍沒  
猶視奇句

烏曰兩  
賁平允

十二

天童分職守育王傳徒孫育王爲父子天童爲君臣三  
載一考績守法殊斷斷各言勤所司不知方丈尊壽松  
萬山滿枯枝許爲薪天矯老龍勢莫敢批其鱗育王專  
甲乙嘻嗃類家門主者逞所欲戒律遂紛紜神物二千  
載歛鋪傷厥根坐令古奇蹟掃滅空烟雲公之享年永  
私之難久存物理如此一松安足論

童曰育王父子天童君臣惟慧心人  
有此妙諦與上如抱如朝句同妙  
陳曰末四句見道語然是儒理非禪  
理禪則諸相俱空物物安足論哉

烟嶼樓詩集七

十三

十三

諸僧畱茶話齊邀入僧解一僧似相識問之喟然慨自  
言本賈人貧病不能耐歎歲遭亂離告愬無門貨徧勸  
濁世情願受空王戒削髮入山中來向主僧拜逐隊學  
誦經於今忽三載豈謂此閒樂但喜無罣礙同人聞僧  
言爲之點頭再此堂號承恩戶冊班班在各詔覲  
天顏後先矜寵賚逃虛而求名已忘遊方外對使碎鉢  
孟宋育王  
僧躡事何似僧言快

十四

客行僧欲畱餐飯云已具謝別出寺門行行復還住更



尋妙喜泉草徑雜蔬圃在昔湧大池而今絕沮洳突兀  
道旁碑篆書尙如故因念二土言各有佳趣無垢一  
串穿妙喜兩頭疏宋僧宗杲號妙喜住育王攝地得泉  
爲大池無垢居士張九成方守溫州  
爲作妙喜泉銘有云妙喜未來泉在何處妙喜來止泉  
即發生心非泉平泉非心乎妙喜答偈云居士恁麼妙  
喜不然徐六擔板爲見一邊泉即是  
泉難喚作心心即是心決定非泉  
我則愛無垢足刊  
妙喜誤泉隨妙喜來泉隨妙喜去謂泉非妙喜泉今在  
何處是心還是泉勿參十成句我亦擔板人只向一邊  
悟。

十五

寺外育王嶺坦坦道不頗東去泊潮縣嶺通鎮海縣卽  
宋時定海縣也

烟嶼樓叢七

十四

宋人呼爲  
泊潮縣西出寶幢河卻乘而徒步緩行堪作歌雖復  
不成詠時覺詩意多

十六

負。織。行。日。中。織。影。圓。在。地。每。經。大。樹。下。颯。爽。生。涼。意。庵  
亭。人。煮。茶。道。渴。吾。亦。憩。利。用。別。鄉。村。小。坐。間。農。器。亭。外  
見。人。家。河。干。行。且。至。買。桃。向。街。頭。沽。酒。問。村。肆。解。衣。齊  
入。船。拊。其。諸。君。醉。長。日。真。小。年。遲。遲。日。西。墜。薄。暮。歸。草  
堂。把。杯。話。遊。事。此。行。吾。不。虛。新。詩。當。遊。記。

烏曰首二句詩中畫

畫家卻斷斷寫不出  
童曰十六章以史筆作韻語或記敘或考證或議論  
或憑弔或摹寫或解悟隨步換形令讀者應接不暇

名作當與

名山竝傳

郭曰神龍在霄絳雲卷

舒勝讀柳州山水八記

劉曰拉雜寫來語語

實境亦語語化境

烟嶼樓詩集卷七

男隆壽平甫校字

烟嶼樓詩集七

五

烟嶼樓詩集卷八

鄞 徐時棟柳泉稿

慈谿葉鴻年吉甫刊

五古五

見周翁雲巖手錄小簿忽憶五歲入塾時事感

而成詠示兒子隆道隆德

兄子阿道來請表外翁碣小簿翁手書持以當行述葉  
簿從頭看家事臚一一中言歲戊寅始授大兒室嘉慶  
廿三年十月初五日翁自記家常我念少時節憶我入  
塾初翁家娶婦吉其時我五歲記年已忘月今見翁所  
書月日乍明悉事豈關重輕在我亦瑣屑結習未能忘  
賦詩聊記實

烟嶼樓詩集八

一

二

周翁吾父友翁家吾比鄰翁女我長嫂廿一始來孀我  
生旣三歲文葆甫離身以嫂愛憐我舖歆依朝昏有時  
嫂歸省隨嫂入翁門翁見我來止提抱常見珍及我將  
入塾父已筮良辰我方在翁家嬉笑看新婚家人忽前  
召號泣行逡巡好語翁慰我嫂爲拭啼痕勸我勿復爾  
歸著衣裳新讀書拜先聖無使爺怒噎後此十餘載我  
試能冠軍歸入母氏室團坐兒女紛嫂亦侍母坐向我

話前因自昔。慣逃學突而遽。能文斯言猶在耳。倏經三十春。行年將五十。老大嗟無聞。回首憶曩訓。不寐意酸辛。

童曰瑣細事寫得如許盡致

劉曰以詩紀事白描化境第二章夾敘夾議尤見摹繪入神又曰撫今追昔無限悲慨

次韻答子相 有序

近余以詩簡子相有昨日雲行去爲雨被風催促不能閒之句子相以爲吾諷之也詩來自解噫吾知子相者也子相自解不如吾解之也次韻成篇以答其意

烟嶼樓詩集入

二

西北有浮雲卷舒常在山豈謂在山好嗟彼行路難風吹東南行雲出離其關安用上下索此路非漫漫聞昔曹子桓雜曲新鼓彈謂雲不遇時適會飄風牽輾轉爲雲惜久畱胡得焉畱滯豈雲意遊戲天壤閒乘風吹我去因風飄我還無心亦有心出入良自閒

原作

陳勣

四明山上雲昔時嘗出山豈無霖雨志待族良亦難雲歸不復出出不離故關風忽吹雲去使作游汗漫怡雲有隱者矢口相譏彈爲惜雲去後常受風掣牽那知雲自在踪跡無滯焉君看二十里過雲在其閒

雲南與雲北朝往夕已還雲去本無心雲來常自閒  
有感時事仍次前韻示子相

人生非麋鹿焉能長在山招招呼將伯聞彼求助難何  
爲五柳生避地行閉關豈無匠石手鼻端斲聖漫但恐  
千仞雀隋珠發虛彈時不可逸豫往役被羈牽苦辛集  
尤怨問君奚補焉所以忍不顧優游詩書閒嗟嗟敝賦  
盡弓玉何時還抱膝看雲者身閒心未閒

咸豐十年九月團練大臣以札見召賦詩言志  
情見乎辭

以帶授卿且以薦享麋鹿旣快施者心亦果受者腹腐

烟霞樓詩集八

三

鼠投鵝雛鄭重意相屬鵝雛謂鴟言無爲溷吾目萬物  
無棄材將以求所欲試置周人懷足當鄭人璞

童曰固有以求之不得爲恨者人心  
不同各如其面讀末二句可發一笑

二

維南有喬木好鳥嚶其鳴居高欣有託乃聞求友聲全  
樹一枝借擇木知汝能風來或吹汝慮汝寒不勝予羽  
方譙譙回首驚弓矰卑棲斂歸翮戢影希鴻冥寄言謝  
茲鳥嚶音姑試聽予尙戀幽谷汝鳴空嚶嚶

三

利濟亦吾分矧關桑梓情兄弟獨裹足豈竊高尚名浮

雲箴良友前。言明且清。但知爲蜺。自爲母乃輕。芟芟。  
論束帛。懼我懷不平。鈞之不可召。安問弓與旌。既投札後而覺  
其誤也。使來請易。  
照會余笑謝之。

四

招之不肯往。欲往不待招。君看請見者。安用車翹翹。肉  
食謀不遠。酒徒情亦豪。苟可采葑菲。奚必鄙芻蕘。我姑  
匿吾拙。非敢避塵囂。悠悠此何人。謂我士也驕。

烏曰終和且  
平風人之遺

無題

下車上封事。以力兩相度。謂我當輪將。代爾解囊橐。吁

烟嶼樓詩集八

四

嗟十年來。敝賦常悉索。不見富人寄。誰云此閒樂。與爾  
非秦越。咫尺望城郭。何故庇鄉井。鄰國以爲壑。一言生  
厲階。頑鐵鑄大錯。爾非僅褊心。我豈不知作。

二

衣錦持鄉節。古有先行之。戢山爾前輩。數典胡不知。海  
邦縱疲敝。民力猶可支。豈無守土吏。而以畀爾爲。謂爾  
所生長。固當知地宜。非謂爾耄老。姑快爾恩私。嗟嗟天  
下事。滿目皆瘡痍。茲土幸保聚。責當誰維持。

三

舉世皆閉戶。生材亦無用。無爲纓其冠。往救鄉鄰閔。可

憐好事心非狂而實贛事事官威儀昔昔國君夢刻印  
復銷印出入紛輿從驕詔俄頃閒秋江遠迎送舍舊新  
是謀已徧輿人誦彼哉昏不知箕斂猶獨恐牽牛蹊人  
田至速田夫訟而遽奪之牛此罰亦已重

四

批答擅威福意態一何豪豈忘禮與分寵命新崇朝夏  
蟲附炎熱仰視山高高倚勢相怒罵長官如弁髦長官  
赫然怒高山則已遙倉皇賄官牒盡室作遁逃遁逃不  
知處悍吏猶叫囂借問何爲爾日出冰山銷

董曰八詩高識巨眼能使聞者變色又曰前四首  
含意未申婉而多諷後四首則時事既急不覺感慨

烟嶼樓詩集八

五

悲憤大聲疾呼所謂言者無罪聞  
者足戒也變風變雅當分別觀之

示壽兒

昔我童升時父師早期許先師朱紫陽竹林先生指我

謂乃祖此子具異材不與凡兒伍成則爲蛟龍不成將  
畫虎乃祖答師言吾豈事嫗煦教子不能嚴良材亦枯  
窳所由待兒曹辭色未輕與有時違教言答撻以百數  
祖母性仁慈恐兒觸翁怒每聞夏楚聲房中淚如雨然  
而旣見之杖痕未摩撫故我至於今不敢辱門戶及我  
教汝者乃惟恩是主於汝不求多非我忘訓語以汝性  
惇良而質復愚魯但求無失德奚必責科舉今汝旣抱

子當學爲人父兒生頗類我望其繩祖武我固心愛憐  
豈宜不勞苦慮汝或未知汝來吾語汝大凡聰穎人其  
氣必飛舞稍縱志卽驕繩削意斯沮聖賢有成轍高曾  
有規矩事事嚴約束乃肯就班部異材喜可憂長大勢  
難禦不幸爲敗類不如不材愈愛之在義方教之在童  
豎惟嚴斯有成與汝同記取

劉曰現身說法語語懇摯大凡以下暢發教子  
貴嚴之義開闔變化讀之但覺真氣流溢行閒

同治元年四月七日出建隲買舟至里仁堂信  
宿兄壻張惠哲家初九夜復由西南河渡銅盆  
浦明日過江入縣南豐樂鄉抵周家村主故人

烟岷樓詩集入

六

周志柳懋才

紹文

卽事有作示志柳

山中日兵燹行矣勿遂巡破甑那足顧相將逃其身兄  
弟與甥舅輾轉及外姻幾家百餘口入門驚四鄰主人  
雖倉卒咄嗟辦饗殮房從知我至雞黍畱嘉賓里仁豈  
不美暫得因所親道路忽皇遽譎言復紛紜嗟我方免  
脫來此良苦辛亟當舍茲去數舟繫河濱感感四瞻望  
何處非兵塵西笑已不樂東南姑問津

二

我舟將入江村人來告我此去大河中歷經賊營左渠  
魁旣偃息夜必巡么麼往往星月中羣醜逐飛舸不行



無所畱行乎憂。賈禍解纜且前行。舟人膽先墮。遠見村舍旁。映水出燈火。欲問無來舟。進退不知可。低頭爲戒語。嘿嘿但堅坐。婦恐兒亦驚。誰敢復聲咳。

童曰痛定思痛此時眞覺草木皆兵

三

驚魂少安定。險哉吾此行。過江二十里。廬舍何縱橫。停橈乍登岸。忽聞絃歌聲。稚子嬉村巷。老婦饁農耕。豈不遭喪亂。眼未見戈兵。但隔一江水。頓覺游昇平。

童曰此景本無足異於乍脫危難後見之彌形其安樂耳

四

烟岫樓詩集八

七

周君吾故交。別餘五六載。薄暮始相見。謂我容顏改。往歲亂初生。浮家一舟買。時當十月初。山中弟兄在。憂患

聊學詩。以意作新解。飲酒而著書。心神頗瀟灑。在建隩著山中

學詩記。今年春半時。惡浪生苦海。避地兼避人。奔波夜

中殆。賊欲羅致余兄弟幾將物色及之余與何況春夏

交十日九驚駭。竄匿深山陬。足屨手持枴。將一月而賊

大至復與子舟星夜還隩中。及章村師。君住安樂窩焉。

貫遂徧行。般掠深山窮谷無安宇矣。知世途駭吾曹。患難餘那得舊風彩。

童曰通首一綫

五

長言未及半我歎君歎歎邀我及兩弟

四弟子舟籠燈季弟石門

入君廬命兒挹家釀呼童摘園蔬江鱈既入饌海錯復

盈孟西南百市列月來皆已墟茲鄉信豐樂佳名焉可

誣顧我彈長鍊旅食宜無魚何意樂今夕來擾君子廚

明朝爲相宅買鄰旁君居借枝欣有託使我心展舒

郭曰故人有孫宰高義薄層雲今昔同此情況

六

家人潔賃室我姑宿君祠

時志柳方授徒祠堂中寓廬即在周祠之左

挑燈

不成寐永夜多憂思頗聞道路言捕鹿將有期不惟晉

人角諸戎來擒之禦上或狐鼠亢下其熊羆非族心必

異但恐猶我欺而君聞有命告我無可疑息壤信在彼

樂土何處非

烟嶼樓詩集入

八

責李生有序

咸豐辛酉冬粵賊據明越明年春餘姚人吳方臨起  
義兵於大蘭山方臨素驍勇其軍亦強力善戰遠近  
賴之既而鄞人陳某以策干方臨方臨謝曰吾大蘭  
無藉君君盍爲局鄞章村號召山眾我分大蘭兵助  
君進攻退守以爲犄角蔑不濟矣陳歸謀諸村中立  
局文昌閣於是鄞諸生辟地山鄉者稍稍附之顧皆  
書生不知兵會李生至自洞橋眾推爲謀主無何方

臨戰死其妻將其軍遣三十餘人援章村夏四月朔賊自後山掩入而援兵適至力戰大破之斬賊數百級殺騎馬者三人賊首必騎馬餘賊紛竄去及至局告捷局中無貲不得賞使分食於村人村人供齋飯大蘭兵恚曰我辛苦爲汝曹殺賊保性命家室而乃以鹹菜食我村人笑曰吾儕日日食野粟爲公等辛苦來殺賊百計供米飯耳柰何責大烹大蘭兵益怒明日相率歸急使人追之且召樂人鼓吹往迎之乃止當是時余家與周茹香同避地建隩隩與章村鄰而陳朱嶺閒之是日昏暮李生來隩中遇茹香及余弟石

門同至余寓室相見賀昨日之勝李盛稱大蘭兵勇敢無不一當百俄頃嘯嘯言曰恐不能久畱驚詰之以其略告李去吾三人私語曰若是殆矣此中人私鬪悍而義戰怯大蘭兵去賊至皆逃耳因授意二人使籠燈向隩中相識者稱貸得千金此時李已宿隩中二人卽卧榻呼之起而告之李亦無喜色勸其連夜入章村質給而畱撫之則曰吾詰朝行未晚也質明往呼之起猶盥而小食遲遲乃行及李生踰嶺至章村而大蘭兵去矣忽樵者自山上見賊紛紛入奔告諸局始驚恐以十餘人往追大蘭兵及之乞少畱

不可遮道長跪泣以請亦不可約今日一戰奉千金終不可竟去是日賊由西南入章村而分其軍自西入林村時大蘭兵之援林村者亦數十人賊至與戰克之賊遁追之盡棄其器械亡命入城中林村人大喜馳告諸村落將聚眾大舉而數十人者聞章村援兵歸大蘭章村已灰燼亦相呼而去於是賊恣意焚掠以漸深入無或敢禦之抵大蘭大蘭兵無資用亦潰七八日中由明州西南諸鄉村至深山窮谷入越州境幾二百里無不慘遭兵燹者雖劫數使然而章村之局實爲始禍書生談兵豈易事哉嗚呼書生

談兵豈易事哉

勇士氣必驕貴在拊循之我欲用其力先當知其私奮身事戰鬪問彼來胡爲豈真激義氣授命於見危計日給貨用其意亦可窺何況方殺賊辛苦軍中歸虛譽無激勵實惠無解推饗士以齋飯村人聽指揮士氣一朝散既亡焉可追山中百餘里俄頃成劫灰嗟爾同事者如狂或如癡春秋有責備此禍貽者誰

二

昔爾入山日強我賦同仇爾時未當局虛心相咨諏風波險難測與爾同一舟我縱不事事焉忍視沈浮何爲



所恃囂然張吾軍轉瞬十餘日

王師清妖氛四月十日此日足可惜哀哉無辜民

童曰責至誰與四語生復何說之辭

### 大蘭兵

寇攘窮深山人心久嗟怒義兵自遠來驚喜相告語漿  
食候柴門舍穡爲之助奮臂三家村裏頭一尺布荷鋤  
揭長竿颺起以雲附耕樵豈能軍有恃則無懼而昨克  
章村今忽舍之去日方戰林村夜復棄不顧此時山村  
中無寇亦驚怖但聞咆哮聲奔逃不知處遂令遍西南  
環山遭劫數萬舍皆燼灰慘殺及嬰孺嗟嗟大蘭眾一  
誤而再誤不來禍無因既來去何遽失德在乾餼有士  
不能馭固知將非人而亦太驕倨

童曰末二句平允之論

當其去章村賊方自山入村人聞寇來往追已相及遮  
道要畱之哀鳴爲之泣誰知鐵石心還歸行更急而賊  
旣麇至擁旗上山立久久不敢下懼爲白兵襲大蘭兵皆戴白布帽白衣  
故號白兵及知虛無人虎奔而狼集茲村旣焦土無  
處不兵劫賊之焚掠山村自是日始是日西山中鏖戰方告捷亡命  
奔入城么膺氣驚懾浸假茲有人狹巷短兵接一鼓下

西南犬羊盡維繫。豪釐而千里所爭在。呼吸坐看失事機。言之可於邑。

劉曰此二章直紀

時事體近次山

烏曰責李生四章寫豎儒悞事大蘭兵二章寫驕兵失機痛定思痛至今猶有餘恨作者搥鼓未終讀者唾壺欲碎矣

郭曰此卷自見周翁小簿二章及示兒一章外餘二十二章皆四明後辛壬詩史也始則曲突徙薪之詞繼則焦頭爛額之語夫子經濟過人而以事權不屬徒抱感憤讀之聲淚俱下矣

烟嶼樓詩集卷八

男隆壽平甫校字

烟嶼樓詩集卷九

鄞 徐時棟同叔稿

慈谿葉鴻年吉甫刊

五古六

吾孫

吾孫年四歲纔識百餘字向我語喃喃解說字中義賜  
之以卮酒既多亦如醉自言屬對能未工差有致念昔  
我先人望兒各成器讀書期有用不徒博科第我少稱  
神童謂當作騏驥駑駘老伏櫪慚恐負先志今我視童  
孫資稟頗聰異來歲送入塾罔使鳩車戲以我今望孫  
始識往時意遙知地下心期念更周至

烟嶼樓詩集九

董覺軒 沛 母邱孺人輓詩三十六韻

妣氏古聖女後世美難媿詩人託歌詠乃以不妬忌是

知恆性然惠下幾人逮何況親啟之而與肩相比猶嗟

邱夫人高唐董公配名岫字綬之高唐其所居鄞東里名也孝敬亦慈祥

婦德僉云備從容問夫子聞君有伉儷旣符得奇疾來

請罷前議絕昏符禮文矧非君所棄獨憐向隅者老死

更無地昔我受聘時豈以此爲利念我不歸君此女終

廢置今我旣來嬪爲君成此義轉側聞需人我不辭勞

勸病女入門來相見都下淚困苦十年中和愛如姊妹



猗嗟邱夫人往古亦無對所由生異材豔博吾亦畏我

少識董公竝几就縣試道光戊子余年十五始應縣試程朗岑師於二十人中獨召二人試於邇復交文郎擊古得同志昔歲延校書覺軒嘗

其室為余校新刻宋元四明六志童孫今問字省親既安樂歡笑草堂至

八月旁死魄聞疾歸省視豈知一月餘隔江來信使書

言重九前阿母忽長逝泣血方號咷又墮悼亡涕吁嗟

大木拔旁植與顛斃始知婆福中小大叨蔭庇我答文

郎言節哀姑視事母儀絕世無卓行宜敘次古有先行

之歐表柳耐誌曾屬不佞文遷延未遑記蓋棺論則定

讓德非容易不腆骹骹詞將傳聖善意一束投生芻先

烟嶼樓詩集九

二

以挽歌寄素車白馬人遠來有徐穉

童曰前段述孺人語語固婉約有禮筆亦圓轉自如又曰轉側需人不辭勞勩有此一節賢德倍著

又曰未處點滴歸源又曰孺人此事於古來列女傳別樹一幟故既為鋪張形容而又長言永歎之非尋常挽

歌例也

挽吳春臺焮

自我識大山屢與小山接端默而藹如使人消躁急兄

弟承先志家塾義田立我為過江東規矩手排緝待我

信忠敬別施長史榻君或來伴我無問有微答靜為壽

者相期頤應古法斯人忽遐逝行年僅登卅遙知北風

寒脊令哀原隰濡墨賦挽歌我亦心悒悒

烏曰無問有微答其人宛肖 又曰雖尋常酬應之作然春臺能與乃兄寅谷同爲義莊亦欲存其人耳  
憶錄舊稟漫成 有序

所著詩文兩遭焚如結習未忘時復憶錄朋好勸阻各持一說賦此爲答且以解嘲

大才必遭忌鬼神驚相看投溷付水火往哲良有然顧我何人斯所著亦寥寥而煩瞰其室扼之俾勿傳或者吾所作未可付雕鐫祝回陰相我欲我重鑽研顧念古今來惡札盈世閒而獨我乎厚玉我以成全是知二者說在理皆頗偏今我儀圖之譬之以求仙丹汞待成就羣魔來糾纏心力苟專壹何患不永年毀譽姑勿計努力思勉旃挑燈夜不寐撚鬚憶前篇如彼貧窶子故物尤愛憐暴富未可期且還吾青氈

郭曰吾師詩文等身存者不過十之二三惜哉然卽所憶錄已自光芒萬丈況閉戶著書日以寸計雖十倍舊觀不難耳

周茹香 蔡 每入草堂輒有詩意戲作數詩招之使來

齷齪舉子文常常厭煩聒笑彼兔園書種種都可抹君亦道中人而意獨超脫入我草堂來詩情興也勃見獵輒心喜下筆求髣髴未易幾古人於今已突兀如彼原上草春來生意發何不長養之根株忍輕拔我每語友

生過耳飄風忽此事信難言想君有仙骨

二

生榮歿則已富貴如雲烟垂老始悔悟心力焉能專我  
則早爲計日夜親丹鉛小有詩癖於今三十年自昔  
頗豪縱邇來若迤邐石屋燒不盡

同治元年八月

草堂復炎炎

二月十

所餘惟四壁故物無青氈使我舊著書苦憶不

能完而我性崛彊燼餘理殘編局促蝸居中哦聲驚酣

眠我友有陳君

謂子相

勸我當舍旃造物忌君才祝融來

連連我笑答陳君萬事皆偶然一切任生滅彼蒼安有

權我之才不才姑勿問青天生才苟忌才大造何時閒

烟嶼樓詩集九

四

爲君述問答非我言譏諷詩豈能窮人莫聽陳君言

三

倉頡方造字聲詩已萌始不廢江河流詩人口興起作  
詩難療飢好之胡不已豈非謳吟中性情胥在是剽竊  
與塗澤俗尙吾所鄙詩教無繁言溫柔敦厚耳淋漓抒  
懷抱自誦良自喜久久情更洽浮名眞敝屣嗟君擁皋  
比咿唔終暮齒何如來草堂作我詩弟子

童曰是於此道中得眞趣者  
彼剽竊塗澤家烏能知之

贈陳擷菁

家珩

丈夫重意氣結交輕黃金婚友無厚薄分誼有淺深與

君始知識氣味如苔岑肺腑出相示自昔遂到今君來  
有商度事事爲酌斟吾謀縱不善未嘗或聾暗今我煩  
君畫兩月無佳音於君謂不薄何爲聽浮沈固知手拮  
据一時難勝任而苟易爲力安用勞君心

二

我豈貪鄙奴與人爭瑣瑣向我求利益我豈富人寄況  
我十年來惠之亦云頗忘德思小怨遲遲以誤我不平  
則將鳴焉能任顛簸同舟爲敵國此計毋乃左異時有  
煩言責當以君坐叶袖手觀成敗君實貽此禍煩君爲  
寄語念我旣勞瘁但使得其平於我無不可

烟嶼樓詩集九

五

童曰運筆  
如轉輪

狸奴

夜深誰伴我房中眠狸奴但聞杯盤聲倏起繞我隅嗷  
嗷牽我衣乞我分所餘臨食懷主恩齧骨鳴烏烏童來  
徹匕箸去我安用驅以舌舐其足自洗顏面汗

童曰狀  
物極工

二

狸奴始來止羣鼠匿無迹誰知數夜來旣飽眠永夕狸  
奴眠房中羣鼠出牆壁或寢或奔走相見不相識家人  
爲我言不當與之食飢則爲人用飽則自安息一笑答

家人豈宜使飢瘠結以豢養之恩庶幾盡其力

童曰待物如此侍人可知

三

每飯與之食既飽眠如初有時靳不與盡力翻庖廚飢固不堪擾飽亦安所需但見竊魚肉不見捕鼯鮑始知禽獸心本自與人殊結恩徒復爾賦詩三歎吁

讓坐篇有序

客以讓坐落人兩齒小說或紀其事今復見之戲作斯篇得十六韻

高堂良宴會速客急星火齊集立庭除纓弁繁且夥上

烟嶼樓詩集九

六

坐主擇之指謂一客可客乃善謙讓固辭勿先我主人力挽臂脫手如脫鎖不圖用力猛曲肘擊旁左旁有揭唇客遇肘齒雙墮流血滿襟祛此客胡困垓當其出門時食指知動麼齶然痛不止大嚼料應叵未沾易牙味先遭鑿齒禍翻令滿堂客莞爾笑之嗟禮讓豈不美秩秩初筵頗俄自求口實噬嗑觀頤朵既醉舍坐遷向者眞瑣瑣爲我語老饕讓食毋讓坐

烏曰謀篇勁而適造句硬而繳押韻險而穩

從姊一首示四六兩弟及諸姪

季父生從姊嫁爲陸家婦鬪茸其夫婿無賴其君舅欺

我姊柔懦嗾使少年誘姊也大號哭誓死肯蒙垢威力

迫脅之幾與印姑偶明屠印姑嫁陸氏其夫使少年逼之不從而死事見屠隆所為傳及

中鄞志吾父驚聞知命使迎來陡是時吾弟兄甫自能行

走兒女諸孫行一一煩吾母顧復而教誨縫紉及井曰

姊來分母勞母亦待之厚久之君舅死姊歸執箕帚笨

夫疾病多貧賤自相守垂老更可憐膝下空所有而彼

夫婦年六十餘八九坐愁破屋中無以餬其口自我居

城西遇姊始詳扣聞之心感傷時時饋升斗有無未能

常將為謀長久吾父惠宗養義田百餘畝我欲分粟米

食姊兼食叟恤宗幸有餘推愛至婚友雖非向時規先

人意無負弟女號飢寒九原應疾首風燭能幾時俾得

終戶牖豈惟哀窮毫節義良不苟同此手足情吾言豈

其否

陳曰通人之論張子西銘所謂存順致安即此

一事諸可類推要惟善於體會者斯能得之

烏曰讀至後幅使孝友之心

油然而生詩教之感人如此

印小嶼 大霖 生四子其一亡去近又喪其兩兒

自悲老境賦詩過哀為作此以解之

伯兄取於周與君為僚婿吾年才四五已過周家戲少

小常見君既壯見非易今來課兒孫與我重把臂先後

五十年態度曾不異老境惜頽唐向天時侘傺無聊乃

賦詩將作解憂計解憂憂愈來賦詩亦安濟我試爲君  
言庶幾廣君意

二

鍾山棲霞僧出話如佯狂一見敏慧兒叱咤謂不祥此  
兒與此父深冤未能償爲劫恩愛賊來割親肝腸勸父

勿戀戀於後兒果殤

南唐李後主事  
見玉壺清話

今君三子者或死

或逃亡焉知非怨家相約登君堂快彼報復心使君神  
俛俛而君墮奸計爲之長悲傷我作棒頭喝語亦非荒  
唐何處有恩愛好夢醒黃梁

陳曰視慰趙丈之  
作意境尤爲警闢

烟嶼樓詩集九

三

八

死者不可生亡者或來歸來卽爲我子去卽非吾兒既  
知非吾兒念之亦太癡膝下況有人往事何庸思萬事  
歸定數聖賢不能違食子與收子周史已前知僧言倘  
怪誕史言非吾欺碩果繫桑榆珍重栽培之佳兒一已  
足不佳多奚爲杜詩已人瘡吾詩解人悲謂予言不信  
試誦憂來時

董曰安命之言非放情作達也予遭此境  
三年不能輟哀循環此詩能無媿色耶

生女

丙寅十月朔墮地倘男子料知吾交遊頌聲必盈耳今

豈惟寂寂見我笑不止笑我五十三多事乃生此大造  
育眾生雄雌無異視世閒父母心女悲男則喜我豈遠  
俗情而既有然矣喜歡固云矯悲酸亦可鄙一笑慰姬  
人遲速有定理珍重腹子身多男自今始

答覺軒有序

咸豐初歲余刻宋元四明六志既成聘覺軒爲余校  
字時有贈篇末之答和旋遭兵燹遂失來章今覺軒  
遠寄舊詩索余新作感良友之雅意錫比百朋歎柔  
梓之遺文功虧一篔自悔濡滯縷縷言之

明州之建國肇自唐開元繇歷至北宋迢遞四百年必

烟岫樓詩集九

九

當有專志而皆俄空焉於是張子問乾道爲初編

張侍  
郎津

作乾道四明圖經津字  
子問見二老堂詩話

二

乾道非足帙

圖經出四明文獻錄前數卷實節本余作  
校勘記其中佚文卷輯圖經之佚最多而

終不能  
備也

寶慶斯完書

胡尚書集作  
寶慶四明志

全氏宋槧本不知今

誰儲

謝山得宋刻寶慶志後歸揚州  
馬氏今又不知流落何所矣

乃以草頭謠并其

書亦汙末學妄滋議先生言非與主修出胡氏作者方

羅俱

謂方校官萬里羅錄參齋語  
並詳余校勘記中作者卷

錄參不可考校官則

眞儒書中嚴體例郡縣分部居史傳或私論而亦非黨

譽

謝山以草頭古之謠日向書爲彌遠黨人遂并其所  
修志而亦惡之然此志體例甚佳惟作史忠定傳至



六千餘言似出私意顧忠定忠愍久抑於張浚傳中詳  
記與浚辨難之言實爲老成持重果用其謀必不至苻  
離一敗宋室遂開慶續斯志或復譏貢諛梅太府應發  
不可復振也明續志專記吳丞相潛四明政績及其詩詞後好名固  
人如錢竹汀等皆厚非之以爲非志乘體例叶責人無  
常耳孰爲民勞劬但有政三異何惜書滿家

三

文清元大儒出入承明廬延祐有繼作其時方家居袁  
清稱作延祐四明志助予呼將伯二考分遂初謂遂初老人王厚  
至正遂初筆讓名於蠡吾遂初應蠡吾王侯元恭之聘  
其手而歸名於王侯世遂不知遂初修志事余參前輩  
考之始得其詳語在校勘記中作者卷及雜錄卷

烟岬樓詩集九

十

眞謙德自與後賢殊我尙愛近志古志其舍諸善價覓  
祕本巧借羅鈔胥延祐至正二志余假自洪思嚴明經  
而久而郡五志竝入吾家廚參之以大德馮州判福京  
州志余借鈔於是爲六志書附之以它山朱絳山贈余  
朱述之司馬利備覽南宋時吾鄉魏吉州峴是爲六志餘夏貢周職  
所作也余附刻諸六志之後四明它山水  
方紀載賅寰區專志一郡縣宋元殆權輿郡苟得一本  
珍之如璠璣吾郡多至此文獻天下無

四

巍峩

七閣藏古志纔二十四明已居四二猶未曾入寶慶開  
慶大德

延祐四志竝入四庫乾一鄉水利書亦復見收拾水  
道至正則時無進獻之者備覽亦入地理類河渠之屬惜我海濱士未能窺祕笈與記自明來  
靡國不修輯人物振名賢藝文等家集矯之畧亦蕪武  
功與朝邑余嘗極笑明人康韓斯事推宋元輿論至今  
翕異書不公世我亦徒什襲是用刊刻之別本假曹鄴  
天一閣中竟無一種惟抱經樓有五種然而校書難秋  
余與同人往樓中校讐之凡二十餘日而校書難秋  
山掃落葉徐子告陳子謂子晝夜長汲汲君少我十五  
時年僅逾廿道路阻一江去我里過廿先民掌故書聞  
君久嫻習刊成始知君鞭長莫及

五

烟嶼樓詩集九

十一

手民不識丁下刀能改字聘君讐校之乃復參論議所  
見所傳聞古昔多同異今我述非作安用出新意疇昔  
傳寫本荒謬不勝計爾時或更正鄙見詳新記校勘記  
凡二十卷固知寶鄉書君我有同志而惜君來遲不得更  
成事君驟見此書往往以所見商榷文義而轉於校正  
刊刻之訛者甚畧以是尙不能付工劂改古人謂  
校刊板之訛須以不知紛紛百餘卷功成難毀棄烏焉  
文義者今始信其說也亥豕訛觸目眞比比更校斯未能只今尙深祕一書傳  
人閒精確信非易

六

萬事有定數人謀非能臧昔我刻成日度板家東廂未

幾遭寇警舉室遷倉黃吾兒獨念此斂之周祠堂辛酉

余先挈眷避入建隲壽兒載六志板藏周茹香祠中鴟鴞入我室壬戌二三月間事幸不

為薪傷賊踞民房見刻板明年罹劫火癸亥十一月事又脫回

祝殃劫灰十萬卷巍然畱靈光鄉賢實呵護同我恭梓

桑我每念茲役黯焉心感傷蹉跎吾既悔願以桑榆償

寶慶未刻圖亦得假儲藏六志如乾道大德皆有圖而

宋佳本是時以吾郡中無刻圖手召之杭州未至今此

本已焚如矣然郡中蓄此志者尚多有志必有圖不難

補刻之但少嘉定失丈尺誰能補其亡尺圖載之日月湖文

遜吾舊本耳學敬止錄臺本中余以斯世所寡有且亦宋時物擬附

刻諸寶慶圖後今吾家敬止臺本已為灰燼世所傳鈔

者皆無此圖是事必求備過隙駒匆忙成其可成者脫

焉可忘

七

烟嶼樓詩集九

七

簡曾何妨斯文未墜地百代有光芒兩劫各無恙此意

近志出雍正百年未修飾費力今有人主之以姻戚郡

楊氏擬重修郡志以前事後事師老馬迷途識何況張

其事屬陳魚門刺史曹徒自用違古昔明張東沙尚書嘉靖甯波志六志

國朝曹太守秉仁雍正甯波志皆淵源願我僅藏壁我欲以斯時與君同整飭鄞西起

老圃謂子開徑延三益既完前人書亦作後來式往日

不可追來日足可惜共成一簣功助哉交努力以是七

種者永永傳無極庶幾天下士勿笑海邦僻

柳泉先生屬余校宋元四明志卽事奉贈兼示陳詠

橋明府

董沛

百家地里書厥祖始夷堅郡國有計簿乃在班固前  
吾鄉建州號肇自唐開元有宋大觀初圖經始成編  
作者迭相繼文藻輝山川到今七百載棗本無一傳  
傳鈔付寫官謬種相流沿壺矢并爲樂益稷分爲篇  
曹部無正聲誰識宮與軒豈曰有宋存殷禮吾能言

二

吾愛徐孺子萬卷羅高閣連年兵火中猶尋讀書樂  
眷懷桑梓鄉文史正穿落旁搜百氏言精究六藝略

烟嶼樓詩集九

十三

連綴改定之一手自刪削述者之謂明其功乃踰作

三

南里不失眞東沙已殊轍下逮聞曹書涇渭更無別  
徒侈新義陳罔顧舊文軼閒或稗販之古人意愈失  
豈眞蘭臺經行賄改以漆三豕或渡河誰識己亥日  
惟君發舊藏論古有眞訣博收天祿書一一證吾說  
因博以致精河閒事求實幸此六帙存金甌已無缺

四

校書如揀金披沙每見寶一覽謂了然何由測微杪  
於時陳太邱衣著遂初早郵筒日往還相與證幽討

此君故善疑因疑乃生巧每於一綫中時闢康莊道  
文懿能補戈荆公戒撲棗空山有落葉時時爲君掃  
不見通鑑成兩屋滿堆藁

五

賤子少食貧託鉢走四方著書杳無期辜負日月長  
惟君知我心招我登君堂寸寸襪綫才奚補天孫裳  
望洋起長歎目眩金碧光敢以蠡測深與海較斗量  
咸洎志臨安景定志建康未若吾鄉書彙入

天府藏行當十匹酬羅列凡與箱傳鈔八千紙紙價貴

洛陽

烟嶼樓詩集卷九

男隆壽平甫校字

